

G E N L A T N A

**Kum** 2013 Piting Sunday School Thuzil dingin Khuga Sadar Presbytery, Sunday School Board in **ROM LEKHATHAWT** zil ding ati dungjui in, a hilchetna siam dinga guat **Rev. B.Lala** leh **Rev. T.Manga** ten a siam uhi, matngal phasak ahi.

Zia hilchetna Bu siam ding ahin, Nu-leh-Pate'n ei guat maleu, mit lam a haksatna ka nei ziakin, dawí gual in ka lawipa huzolou in ka um hi. Maleh, aman Tha-leh-Zung bak ah a hun tamtak seng in, pan hun la'n, a Bu ah suadaw thei ahina chung in kipak thu ka gen hi.

Chuleh, zia Rom hilchetna hi a Bu a suadaw a hitheina dinga a sun-azan ah hun sundawktu **T.v. Jamlalsam, Computer Operator (K.S.P)** chung in le kipak thu ka hun gen kit hi.

Simtute zosia Pathian thugil hiatchianna leh panpitu hawitak hi dingin, Lalpa'n ei matchak piak ta hen..



REV. B.LALA.  
Executive Secretary,  
KSP.



**Ch. 21-23.**

- (i). Ka seppi Timothi, ati chu bangkim ah Pathian na a seppi, ama thasang dinga a ngai mi ginumtak ahi (Phi. 2:19-20).
- (ii). Ka Chipi Lukia, ati hi Antiokei khua kochuam puitu, thugen dinga Paul leh Barnaba sawldaw tu kha ahi (Ns. 13:1).
- (iii). Jason, hi Thesolonika khua Paul tunsekna Inn neipa, buaina hun ah mipi ten a matkhawm uh kha ahi (Ns. 17:5-9).
- (iv). Sosipater, ti hi Ns. 20:4 na kigen Sopater hi tawh mi kibang hidin ginchat ahia, apa chu Pirhas ahin, Beroe khua cheng ahiau.
- (v). Kei Tertia, zia lekha hun ziakpa, ati hi Paul in lekha ziaktu (Secretary) nei ahidan a kilang hi. Paul in a gente chu Tertia chun a ziak zel ah, a zek zaw phat leh Paul in thumapui leh Chibai bukna a zek hidin ginchat ahi (IKor. 16:21, Gal. 6:11, Kol. 4:18).
- (vi). Ka tunna pa Gaia, ati hi Korinth khawmi Paul in Baptisma a chansak kha ahi (IKor. 1:14). Ama hi Kochuam ah mi ginum tak ahia, a Inn hi gingtute tunna leh giakna mat in a um sek hi (Ns. 9:22, IIKor. 4:20).
- (vii). Erastus, Khawpi Sum enkawlpa, ati hi Korinth khawpi sum enkawl ah pang ahia, Paul leh Timothi te lawipha ahi. (Ns. 9:22, 2Tim 4:20).

**3. Thukhakna (Ch. 25-27).**

Zia chang sung hin, Paul in Chibai bukna a genzaw ah pathian leh Jesu khrista chu chawihawi tak ahizia'u chawihawina la chawm (Doxology) a genna ahi.

Ch. 25-26. Thuguk tuhun ah hung kipuung dawkw, ati chu khrista chanchinpha thuthunglui lai ah kigen, thuthungthak ah gen daw ah um a gen ahia. Zia thuguk chu Pathian lemguat ahia, ziaziaichun ama chu chawihawi tak ahi ati ahi.

**Tuni zildawte :**

1. Lalpa nasepna eima lawkna ding bep gellou ah pathian lopina ding hawl zawk..
2. Kochuam te sawmdawl leh zintun hi pathian nasep ahidan ei kawkm..

**ZIKTUTE THUMAPUI**

**K**huga Sadar Presbytery nuai ah Sunday School Board Committee ten tukum 2013 Piting Sunday School Rom hilchetna siam dinga ei ngansia nau supiting thei dinga ei puitu I Pathian kiang ua chun lopina um ta hen.

Thuthungthak sung a dinga chun, Rom lekthawt hi thu haksa ahi ti chu Bible simtu ten, hechiat di'n ginchat a um ah. A sung thute hi vel tamtak I sim nung ale a umzia hiazaw lo tampi um na Bu ahi ziak a chun, a hilchianna siam ding chu thil bailam ahi puai ti chu hiatsa ahi. Ahinla, kei unle ngansia ka um nau chu suk piting ngei tup in, a hilchian na mu thei tiang tiang hawl khawm in ka siam ua, zia tiang hin ka hun siam dawkw thei ham ui. Zia hilchetna ka siam nau ah, ka lekhabu mat teu chu, a nuai ah te hi ahiau.

- (i). Rom lekthawt by Rev. Lalsawma.
- (ii). Rom hrilfiena by Rev. Lalngaisang.
- (iii). The Letter to the Roman by William Barclay.
- (iv). A guide to Roman (ISPCCK) by Roger Bowen.
- (v). Harper Collins Bible Dictionary.
- (vi). New Bible Commentary (21<sup>st</sup> Century Edition).

Kochuam te di'n phachuam lou dinga ginchat ziaikin, Hilchianna bu ten a gen gual taka, ki genlou tamtak a uma, zia ban ah chun, a hilchianna te hi, hiat bailam thei pen ding ah ka bawl dan uh chu ahi. Theitawp sua ah ka bawl uh hilehle, a bukim lou na leh a fello na (paumat dan leh thil dangdang ah) um ding ahi ti chu, hiatsa ahia. Zia zosia chu simtu ten Pathian min ah lei ngaidam di'u ka hun dawn ui.

Simtu zosia Pathian in hun malsawm ta hen.

-Rev. B. Lala & Rev. T. Mangan.

SUNDAY SCHOOL - 2013

ZILLAI GUANGGAL DAN LEH A SUNGAH THU UMTE

A nuai ah Sunday School thupi kiguanggal leh nibik pawimaw kitaklang te hi, K.S.P huap sunga Kochuam tinten zui chiat dingin hiatsak i hiu ah. Chuleh houte ten le Bible sim ding kipete leh Zillai lak ding etlawk masak ding, Kochuam te a dinga etsakna te gen ding, changvawp genkhawm ding leh hiatchian lote genkhawmna nei ding ti te hi a lawkthei pen ah mat na di'n, zui dinga duthusam ahi.

Sl.no.	Ni leh Thate	Zillai leh Ni Pawimawte	Pek Nos.
1.	10 <sup>th</sup> February	Manipur Synod Khawmpi	Nil.
2.	17 <sup>th</sup> February	Rom lekhathawt Thumapui.	05.
3.	24 <sup>nd</sup> February	Paul leh Chanchinpha	10.
4.	3 <sup>rd</sup> March	Mission & Evangelism Khawmpi	NIL.
5.	10 <sup>th</sup> March	Chanchinpha'n mi zosia huap	12.
6.	17 <sup>th</sup> March	Jentelte Diklona te	15.
7.	24 <sup>th</sup> March	Palm Sunday	NIL.
8.	31 <sup>st</sup> March	Easter Sunday	NIL.
9.	7 <sup>th</sup> April	Judate Diklonate	18.
10.	14 <sup>th</sup> April	Kuama mipha umlo	21.
11.	21 <sup>st</sup> April	Thuthunglui apat Ginna etsakna	25.
12.	26 <sup>th</sup> April	Pathian tawh kilemna	28.
13.	5 <sup>th</sup> May	Gitlona apat Zalenna	31.
14.	12 <sup>th</sup> May	Nute Ni	NIL.
15.	19 <sup>th</sup> May	Pentecost Day & Assembly Day of Prayer	NIL.
16.	26 <sup>th</sup> May	Dan lak apat Zalenna	34.
17.	2 <sup>nd</sup> June	Chate Ni	NIL.
18.	9 <sup>th</sup> June	Thina apat Zalenna	38.
19.	16 <sup>th</sup> June	Pate Ni	NIL.
20.	23 <sup>rd</sup> June	Chanchinpha leh Israel te	42.
21.	30 <sup>th</sup> June	Israel ten Pathian a mukhialna'u	45.

Ch. 11. Narkissa chanaute, ati chu Narkissa chu Rom lal Klaudia loipha leh a secretary ahia. Ama chu a hausa mama ah, Nero a lal a khan a munawplo zia kin Naukissa chu ama leh ama a kithasak hi. Ama thi nung a chun a chanau te chu khristian ah a um zia kua Paul in a gen hi din ginchat ahi.

Ch. 13. Rufa leh a Nu, kei a ding ah le ka Nu, ati chu Rufa te nuchan chu Paul a ding ah panpitu hawitak ahi zia kua a gen ahi. Rufa chu Kurini khua cheng, Simon (Jesu Kros putpipa) chapa ahia, suapi Alexander a nei hi (Mk. 10:21). Rufa Nu chu Paul in ka Nu ati zia kin hin Nuting tak hi ngei intin, Chuleh jesu khetden hunlai mi ahi tak zia kin Upa tak hi din ginchat ahi. Rufa chu Jesu Kros putpi Simon chapa ahi chun, a sungkuan un Pathian na chu a sem hawi khawp mai ui. Apa Simon in Jesu kros a puakpi ah, anu in duattak in Paul a enkawl kit ah, ama Rufa chule Khristian kiginum tak, Lalpa teldaw ti'n a um kit hi.

Ch. 16. Kichawp thiangtho in Chibai kibuk un, ati chu gingtu masate chu a kimu'u leh a kithaknau a chun biang kichawp leh kikawi sek ahiziak ua a gen ahi.

Ch. 16. Khrista Kochuam pawl zosia'n Chibai buk, ati chu zia hunlai ahin, Paul chu gingtu masate houtupen ahi dungjui ah genthei tholawm dawltu pen ah le, a pansak uh ahia. Ziaziakachun, Rom kochuam Chibai bukna'n, Kochuam zosia min ah Chibai a buk chu thil kilawm ahi zia kin ah a gen ahi.

**2. Thuhilna nunung (Ch. 17-24).**

Zia chang sung hin amau lak ah gindan diklo pawmten gingtu mawl te thempuk thei ahiziak ua, kivengpha ding ah a genna leh mimal Chibai bukna te ahi.

Ch. 17-18. Kikhenna siamte Pathian nasem hilo, ati chu chanchinpha guallo taka Pathian thu chiapi ah ginna hatlo te theppuk mangte chu kipawlpil lo dinga a hil ah. Amau lawkna ding leh nek ding hawlte ahiu ati ahi.

Ch. 19-20. Nangmau chung ah ka kipak, ati chu thepna chuam chuam dozou ah dettak ah a din uh a kipakna thu ahia. Thilphalou zosia zamsan zel ding ahi danteu leh Setan thepna chu Pathian thu kithuam ah a dou uh chun Pathian in hukhing ding ahi dan a gen zawm ahi.

(b). Priska leh Akuila te nupan tawh Epaineta te hile Ephesi khua apat Rom ah kipemlut kit le a hithei ui, a ziak chu Rom khua kha a chennau khawlui ahiziak in ahi.

Zia a chung ah ngaidan kibatlona ziak ahin zia bung hi Rom te kianga Paul in a zek leh zeklo thu ahin simtute ngaidan le a subuai ah. Ahinla, a bang chu hileh kum za tamtak masang apat khristian ten paul zek ah a pawm uh chu ei unle i pawm uh chu a dikpen himai ding ahi. Ahun leh phat a sawttak ziak ah hiatchian na taktak chu umlo pawt chu ahi.

**Tuni zil ding te :**

1. Mimal Chibai bukna (Ch. 1-16)
2. Thuhilna nunung (Ch. 17-24).
3. Thukhakna (Ch. 25-27).

**1. Mimal Chibai Bukna (Ch. 1-16).**

Zia chang sung hin mimal tak ah a melhiat te khrista min ah a Chibai bukna leh Kochuam dang ten le Chibai a bukna thu a gen ahi.

*Ch. 1-2. I Suapinu Phoibi*, atina ziak chu gingtu masate chu sungkuan khat guala kingai in unaunu leh Unaupa ti paukam a matsek uh ahi. Kochuam te nasem nu ati hi, zia hun lai ah Numei Upa (Deacon) te a genna ahi. Tuni hun inle Numei titna neite chu Kochuam khenkhat in Pastor tiang le a pesek uh ahi. Paul in a lekthawt hi Phoibi hi a puaksak hi'n a lang ah, ama tawh kimelhiatsak a tup thu le a gen zawm hi.

*Ch. 3-5. Priska leh Akuila*, te nupan hi Paul lekthawt ah lang tam mama te ahiu ah. Akuila chu Juda mi, Ponto gama piang, puanbuk siam ah kivak ahi (Ns. 18:1-3). Amau nupan chu mun chuam chuam in kipan maleu Pathian ah mi ginum ahiu ah, a Inn uh chu gingtuten kikhawpna amat sek ziak un ahe chiat uh ahi.

*Ch. 7. Ka Chipi Andronika leh Junia*, ati hi Paul suangkul tanpi te ahiu ah. Junia hi Numei hi dinga ginchat ahia, Andronika zi ahiloleh a Chanu hi di'n ginchat ahi. Amau hi Paul piangthak ma Pentecost hun lai a kha piangthak ta hi un a lang hi.

*Ch. 10. Aristobul Chanaute lak ah mi*, ati chu Aristobul chu Rom mi, Heroda tute ahiu a, Rom ah cheng ahiu. Amau chu Pathian thu awilo Innsung himaleu a suka teu ahilouleh a Innsung kinaipi te Khristian a um ziak ua a gen hi di'n ginchat ahi.

<u>Sl.no.</u>	<u>Ni leh Thate</u>	<u>Zillai leh Ni Pawimawte</u>	<u>Pek Nos.</u>
22.	7 <sup>th</sup> July	<b>Jentelte vangphatna pathian lemguatna</b> .....	48.
23.	14 <sup>th</sup> July	<b>Sunday School Kumkim Examna</b> .....	NIL
24.	21 <sup>st</sup> July	<b>Thaithak matni</b> .....	NIL.
25.	28 <sup>th</sup> July	<b>Israel te zosia Hukdamna</b> .....	51.
26.	4 <sup>th</sup> August	<b>Pathian thagau ah nasepna thak</b> .....	54.
27.	11 <sup>th</sup> August	<b>Khristian na tawh gam vaihawmte leh gingtute kiginzing ding</b> .....	58.
28.	18 <sup>th</sup> August	<b>Kochuamte hinkhawm ding dan</b> .....	61.
29.	25 <sup>th</sup> August	<b>Khristian kipumkhatna leh Kochuamte</b> .....	64.
30.	1 <sup>st</sup> September	<b>Paul in a nasep leh thiltup te a genna</b> .....	67.
31.	8 <sup>th</sup> September	<b>Kithakna chibai bukna</b> .....	70.
32.	15 <sup>th</sup> September	<b>Zillai etnawna</b> .....	NIL.
33.	6 <sup>th</sup> October	<b>District tin K.K.P Khawmpi</b> .....	NIL.
34.	13 <sup>th</sup> October	<b>District tin P.W.F Khawmpi</b> .....	NIL.
35.	27 <sup>th</sup> October	<b>District tin Pate Khawmpi</b> .....	NIL.
36.	3 <sup>rd</sup> November	<b>Sunday School Kumtawp Exam ni</b> ....	NIL.



**Rom Lekhathawt HILCHETNA***Zillai - 1***Thupi : Rom Lekhathawt Thumapui.****Bible Simdi : 2Kor. 11: 16-33.****Changvawp : 2 Kor. 12:9.**

**Thumapui :** Tukum hin, Lekhathawt sung ah thu chuam chuam zil ding i hui a, zia te chu i zil mau in, tuni hin Rom lekhathawt thumapui zil phawt ding i hui. Zia thumapui ah kigen te hi, hechian masa leu hin, Rom zik sung a thu umte hi hiat bailam diak di'n ginchak a um hi. Tuni zilding thupi te :

1. A ziaktu Paul chanchin chawmkim.
2. A zekna mun leh ahun.
3. Kuate a dinga zek ahi em?.
4. A zekna zia leh a thiltup.
5. Rom lekhathawt simna leh hiatna apat piangthak te.
6. Rom lekhathawt thupi khendan tangpi te.

**1. A Ziaktu Paul Chanchin Chawmkim :** Rom Lekhathawt ziaktu chu a thubul pen ah ama kigen latna mu ahi dungjui in, Sawlchak Paul ahi ti chu a chian ah, (Rom 1:1). Ziakiachun, Rom lekhathawt ziaktu chu, Paul ahi ngei hi ti chu mi zosia pawm ahi.

**I. Paul chu Juda mi ahi :**

- a). Abraham suan Benzamin nam ahi (2Kor. 11:21).
- b). A Juda min chu Saul ahia, a Grik min chu Paul ahi. (Ns. 13 :9).

**II. Grik gam ah piang leh seilian ahi :**

- a). Kilikia gam Tarsa khua piang ahi (Ns. 21:39). Apian na khua hi Grik pilna zilna mun, Athen leh Alexandria khua te gual ah minthang ahi.
- b). Grik gam ah seilian ahi dungjui in, Grik te taksa leh thagau ah a chawndan uh leh a thu pawmdan teu a diak ah Gnostiic ziltina (Pilna apat Pathian hiatna leh muna) te haw hechian mama mi ahi.

**Rom Lekhathawt HILCHETNA***Zillai - 21.***Thupi : Kithakna Chibai Bukna..****Bible Simdi : Rom. 16: 1-27.****Changvawp : Rom 16:20.**

**Thumapui :** Tuni i zil ding uhi, Paul in a gennawp cheng a genzaw ah Kochuam te leh mimal ah a melhiat a ngainat mama te a Chibai bukna ahi. Kochuam chu mi zosia alian-aneu, Numei-Pawsal leh Naupang te tiang huap ah Khrista'n a din ahi dan a gen ah. Ziltina diklo laka kiveng ding leh malam ah Lalpa nasepna pan nasatak ah la ding a a tilkhouna thu ahi.

Bible suitute lakin, Rom bung 16 na hi ngaidan kibatlona a um zia kin a zek chungchang ahin simtute lung a subuai ah. Khenkhat in zia bung hi Ephesi lekhathawt ah bel ding, Rom lekhathawt ah abel khak uh hi dinga gingcha pawl a um ua, khenkhat inla Paul in Rom Kochuam te a thawt ngei ah ngaipawl a um kit hi. A ngaidan uh a nuai ah gual hin vak en hitiu.

**1. Ephesi ah bel ding ti pawl te panmun.**

(a). Paul in Rom Kochuam khatvei le a taw nailo na mi 26 hial min a zek thei hi Ephesi Kochuam hi zaw in a lang hi.

(b). Priska leh Akuila te kha Rom Leng Klaudian Judate a nawdaw a kha a pang ua (Rom 18:2), Rom ah cheng kit dinga ginchat a umlo zia kin ahi.

(c). Rom 16:5 na Epaineta, Asia gam ah gamasa ati kha, Asia gam chu Ephesi khawte ahizak ua Rom sanga Ephesi hileh a kilawm zaw ahi.

(d). Rom 16:17-18 na ziltina diklo kigen kha Ephesi khua a um gen ahia (Ns. 20:29-31), Rom a chun um na dinga ginchat a umlo zia kin ahi.

**2. Rom ah bel hi a dik hi tipawl te panmun.**

(a). Paul in Kochuam a hiatsate a lekhathawt na (etsakna-Philipi, Korinth leh Ephesi) a min uh zia kin ngailo ahi. A tawnailo Kochuam te a lekhathawt phat leh a min uh a zia kin zaw sek ahi (Kol. 2:1, 4:7-17). Ziakiachun, Rom khua taw nailo maleh a chia phatleh ama a dinga lampi hawngtu hi dinga a gel zia kin mimal minte tawmngai taka a lak khawm masak hithei ahi.

kidawlkhawm, Paul in a vapiak guat a genna ahi. A lekhathawt dang inle genthei panpina sum kidawl thu a gen sek ahi (IKor. 16:1-4, Nas. 24:17). Zia thawlom chu Macedonia leh Akaia gam ah gingtuten a pe hawi diak ua, zia thawlom chu Jerusalem ah a vathak zaw phat leh Rom ah gingtute va mu chu a tup ahi. Zia thawlom a dawlna zia uh chu Jentel khristian ten Juda khristian te apat chanchinpha mu ahi zia kua a kipaknau etsakna ahiu hidin ginchat ahi.

Ch. 30-32. Phatchuam ngaitak ah ei pauchap piak un. atina zia chu ginglo Juda ten muda leh tha gawzing ahi zia kua hukhin ah a um theina ding te, Jerusalem ah gingtute lak ah ana sepna a lawtinna dingte leh damtak ah amau tawh a kimutua theina ding zia te ahi.

#### Tuni zil dawte :

1. Paul guala ei unle mi dang hukdamna channa dinga kipumpiak a poimaw dan..
2. Gingtute khat leh khat taksa leh thagau ah kipanpi tua ding i hi dan teu..



c). Taksa nek hawl na lam in, Puanbuk siam a nasem sek ahi'n, ahun awng nei phat leh Puanbuk siam kawm in, Pathian thu gen na'n mipite tawh hun amang sek hi.

#### III. Rom Mi hina (Rom Citizenship) nei ahi :

- a). Rom mi hina neisa piang ahi, (Ns. 22:28).
- b). Rom mi hina neite vangphatna -
  - Mi nautang chung ah leng ahiu.
  - Thiamlou chansak ma sawisak phallou ahiu.
  - Vaihawm khumna lam ah Lalpen 'Kaisar' kiang a dawtna (appeal) bawl thei ahiu.

#### IV. Sakhua na lam ah a hinkhua :

- a). A neulai ah Innsung School ah Juda te Sakhua kizil tilna, Shema leh Dan a zil ahi.
- b). Kum 6 ahi a, Synagog School ah Rabbi nuai ai Sakhua dan a zil hi.
- c). Kum 13 a tin in, Jerusalem ah Juda Sakhua Puitu minthang Gamaliel kengbul a a zil hi, (Ns. 22:3).
- d). A hun pitin phat ah, Pharisai te lak ah mi phachuam tak khat in a pang hi.
- e). Damascus Dai ah Jesu toh a kituak apat in, chanchinpha puangjak tu ah a hungpang hi (Ns. 9:1-19).
- f). Thagau thilpiak pau hiatlou leh thil dangdang a dawn ban ah, Van thumna tiang ah laktou in ala um kha ahi (2Kor. 13:2).
- g). A nasepna subuai dinga taksa damlo na a nei a, a ma'n "Ling leh Setan sawlchak" ati sek hi, (2Kor. 13:7). Zia natna chu a khawk diak chang um hileh a kilawm ah, "Ka taksa hatlo zia kua" ti'n le a gen sek hi, (Gal. 4:13-14). Zia natna a nei chu mi khenkhat in, Mit natna nei hi di'n a gingcha'u hi. A zia kua, a lekhathawt ah "Lekha mal lian pipi" (Gal. 6:11) a ti zia kua hi, a Mit hatlo zia kua ahi a tiu ahi. Zia gual natna chu nei maleh, Pathian min ah pawmthiam thei in, theitawp sua'n Lalpa na a sem zing hi.

## 2. A Zekna mun leh Ahun :

A zekna mun chu a khualzin thumvei na Korinth Khua a chamlai ah, a zek ahi'n, Jerusalem ah mi thiangtho te panpina Sum kidawl va pedinga a kipat daw kuan ah, a zek hi'n a ki lang hi, (Rom 15 :25-28).

A Zek hun leh phat hi, Bible mithiam tamtak ten kum chuamchuam a gen ua, ahinla mi tamzaw ten a pawmthei pen uh chu, A.D 58 kum hi ahi.

## 3. Kuate a dinga zek ahem?

Rom khawpi sunga cheng Khristian mithiangtho te, a mel uh le amukhak nailo Kochuamte a dinga zek ahi pen ah, (Rom 1:7). Amau haw chu bang tik ah, umpan leh kua phudaw hem ti chu hiatchian ahi puai. Ahin la, mitamzaw te ginchak dan ah chun, Jerusalem khawpi Pentecost mang a, Rom a kipat hung Juda Phungkai khenkhat Peter thugen na piangthak te, Rom a tunkit ua Kochuam chu a din uh hi dingin ginchak ahi.

Paul in amau haw va kimupi chu, a lunggul mama a, Jerusalem ah a chia zaw a, Spain lam ah a chia phat leh baang malam ah va kimupi'u a tup ahi (Rom 15:28).

## 4. A Zekna ziak leh a thiltup :

i). Zia hunlai ahin, Rom khawpi hi Khawvel pumpi ah, Khawpi thupi pawl ahin, Khristian ten zia mun ahin, Gingtu dettak phudaw ta leu, Khawvel gam tin ah, Chanchinpha kijak zel na dinga bailam diak dinga ginchakna ziak ah a zek ahi.

ii). Khristian te chia dan leh thugin kepapat ah, Rom ah cheng gingtute bep hilou gingtu dang zosia'n le a hiatchian na ding uh tupna zek ahi. Mithiam khenkhat ginchak dan in, Rom lekhathawt hi Ephesa Kochuam te kiang ah Paul in a zek dang(Copy) thawt inle gen ahi. Rom lekhathawt hin, Khristian te chiadan bukim tak ah zek ahi zia kin "**Khristian te thugin Bu**" ti'n le a um hi. Galatia zek gual ah, ziltilna Bu ahi puai, Korinth zek gual ah Kochuam kikaihuaina Bu le ahi puan, Chuleh Philippi zek gual ah gingtu te tilkhouna Bu le ahi diak puai. Khristian te Sakhua thugil genchianna Bu ahi zia kin bang hun ale, Rom zek hi aphachuam mama hi.

Ch. 16. Jentel te a ding ah thiampu na ka sem, ati chu thuthunglui ah thiampu te chu Israel te tawh Pathian kala palai ahigual un, ama le Jentel te tawh Pathian kal ah Palai hi ah a kigen ahi. Jentel te a gitlonau ah Pathian ngaidamna a chantheina dingun, pauchap piak a ngai leh pauchap ding leh a pawimaw zosia sem dinga kisazo ahidan a gen ahi.

Ch. 17-18. Khrista Jesu ah suanding ka nei, ati chu Pathian in ama manga jentel te lak ah na lopitak a sepna ah, khrista ang ah suanding a neithu a gen ahi. Mihing lampang a vang suan ding nei chu pha a saklo ban ah neile anei puai. Chuleh, pathian ah mi kuama kisuang thei puana, atisa le ahia (IKor. 1:29, Rom 3:27). Ahinla, Pathian in sep dinga na a piak te (Jentel te kiana chanchinpha gen) a sepzaw tak zia kin ah lalpa lam a chun a nasep na chun a kisan theithu a gen ahi.

Ch. 19. Thilmak leh teptena lopitak mangin, ati chu Pathian in ama mangcha thilmak leh teptena a bawl sak ah, chanchinpha a gensuak a gen ahi. Thilmak leh teptena chu gingtute Pathian in a thuanma thupi tak ahi sek ah (Nas. 2:22, 5,12, 15:12), zia haw zia kin achun, Pathian gam chu keklet in a um zel sek ahi.

Ch. 20-21. Khrista min puaklut nailo na chanchinpha gentup, ati chu chanchinpha henailo te kiana Pathian thu va gen ding a tup ahidan a gen ahi. Thuthunglui ah Isai 52:15 na thu la sawn in thagau mangthai a lainatna zia kin bang gual haksatna um leh le khawvel pumpi, ginglo mite kiana chanchinpha gen a lungtup ahi dan a gen ahi.

## **2. Paul in Rom taw a guatna (Ch. 22-33).**

Zia chang sung hin, Paul in Rom ah Kochuam te chu Spain lam ah a chia phat leh baang malam ah taksa leh thagau ah va kipawlping a tupthu a gen hi.

Ch. 22-24. La kiang ua hung ka nawpna hi kum tampi hita, ati chu Rom ah Kochuam kimupi ding a tupna chu sawttak hitamaleh a lemtheilo thu a gen ahi. Ahinla, pathian in a lemtepi ahi chun, Spain lam ah a chia phat leh va kimu ah, Pathian thu va kipawlping chu a tup ahi. Zia tak ah **Kum tampi** ati hi Korinth khua Priska (akona priscilla) leh Akuila te nupan tawh a kimu apat kha himaithei ahi (Nas. 18:2).

Ch. 25-29. Jerusalem ah mithiangtho te panpina sum kidawl, ati chu gingtute lak ah Juda khristian, Jerusalem ah cheng te panpina dinga sum



*Ch. 13. Kinepna Pathian la gin ziakun*, ati chu Pathian a ginnau chu tu damsung a dinga a thutiam zuau ngailo leh thinung tiang ah le a thutep zuau lo ding ahi dan a gen ahi.

**Tuni zildaw te :**

1. Gingtute chu ginna lam ah mi zosia kisawmdawl tua ding i hi dan uh..
2. Gingtute chu mi zosia kilawptua ding i hi dan teu..

**Zillai - 20.**

*Thupi : Paul in a nasep leh a thiltupte a genna.*

*Bible Simdi : Rom 15:14-33*

*Changvawp : Rom 15:30.*

**Thumapui :** Tuni i zil ding uhi, Paul in a lekthawt nate kianga a lungthim te, a lungtup dante leh a chibai bukna thu a genna ahia. Kochuam te chu bangkim ah kikaihuai thei ahitak ziakua a kipuaknate, Jentelte hukdam hina dia nasem dinga kou ahidan leh Kochuam te va kimupi ah Pathian thu kipawlpai a lungtup ahidan a genna ahi.

**Tuni zilding te :**

1. Paul in hangsan tak ah a zikna ziak (ch. 14-21).
2. Paul in Rom taw a guatna (Ch. 14-33).

**1. Paul in hangsan tak ah a zikna ziak (ch. 14-21).**

Zia chang sung hin, Paul in Kochuam te kiangan a thugen ding hi thuthak hilo in, ahiattak sau, khrista chanchinpha kha ahidan a gen ah, tudet zing dinga a dawisakna thu ahi. Zia thu chu pathian apat amu ahiziaka genzel ding leh a diak ah Jentel Pathian henailote kianga gen ding ahidan a gen hi. *Ch. 14. nangmau kikaihuai thei la hitau ti ka hechian hi*, ati chu Kochuam te chu amau keng ah bangkim ah ding thei ahidan chanchin uh ahia ah a kipakna a gen ahi. Bung bullam ah a chanchin uh aphalam ah a hiat ah a kipakna a gen te kha a gennawn kit ahi.

*Ch. 15. Nang uh hun hiatsak kit dingin*, ati chu chanchinpha he ah tudetsa hita maleu malam ah a chiazal dingdan uh gennawn pawimaw asak ziaa a gen ahi. Hangsan tak ah a genna ziak chu khrist in gen dinga a hepina zala a piak ahia, amanle laulo kei ah hukdamna thu gending ahidan a gen ahi.

iii). Zia hunlai a, Khristiante kipumkhat na ding a zek ahi. Pathian hukdamna chun mi zosia a huap ah, Juda te leh Gentel te le pumkhat in a siamta, ziaziakachun, gingtute zosia chu bangkim ah kipanpi tua leh kikhawtua dingte ahi dan uh a genna le ahi.

**5. Rom Lekthawt Simna leh Hiatna Piangthak khenkhat te :**

i). *Martin Luther* : Kochuam siamphatu minthang Martin Luther in a gen na a chun, “Rom zek ah Pathian in gingtu te a zangaina ziak ah thiam a chansak dan hi Sun-leh-Zan in ka sim ah, ka buaipai nung in ka hechian ta. Ka hinkhua chu, sukdanglam ah um in, Paradise kawtkhak chu ka lut ta, Bible pumpi hi kei di’n a thak vek in, Rom zik hi vankawt ei hawn piaktu hi in ka ngai hi. Chanchinpha kigen na Bu pawimaw pen ahi dungjui in gingtute a ding ah nisin ah thagau Ann lakna Bu ahi” ati ahi.

ii). *Augustine* : Kochuam Puitu masa Augustine in a piangthak dan a genna a chun, “Ka hinkhua lui te paithak nuam ah, nasatak ah ka pauchap lai chun, ka nakhang bul in, “*Lan la, sim in*” ahung kitia. Kenle lekhabu chu kala, ka phet leh Rom 13:13-14 na ka phet dawk ah, ka sim leh Jesu Khrista ah kithuam zaw unla, taksa utna te pitin dingin bangma bawl kiu un, ti thu kha ahia. Ka sim zaw leh a dang ka sim nuam ta him him pua’n, zia thu a chun, ka lungthim chu nasa tak in a salvak ta’n, ka lungbuaina zosia chu khrista zal in a bei kei tai” ati ahi.

iii). *John Wesley* : Methodist Kochuam phudawk tu John Wesley in a genna a chun, “Zankhat hi kikhawpna ah ka va pan leh mikhat in Rom hilchianna Bu, Martin Luther siam, a thumapui a hun sim ah, ka ngaithak leh ka lunggil takin danglamna ka neingal ah, ka hukdamna dingin khrista bep a pawimaw dan leh ka gitlona zosia a puakmang dan hiatchian na ka nei a, ka thu hiat chun gitlo na leh a thina apat ei hukhing tai” a ti ahi.

**6. Rom lekthawt a thupi khendan tangpi :**

Rom Lekthawt hin, bung 16 leh Chang 434 a um ah, Korinth Lekthawt pakhatna tawh a saudan a kibang hi.

i). Bung 1:1-7 :- Thumapui

ii). Bung 1:18-4:25 :- Chanchinpha leh ginna ziak ah Pathian kiang ah thiamchanna.

iii). Bung 5:1 - 8:39 :- Chanchinpha leh Hukdam te a ding ah Pathian thilhitheina.

- iv). Bung 9:1 - 11:36 :- Chanchinpha leh Israel te.  
 v). Bung 12:1 - 15:13 :- Chanchinpha'n mihing te a sukdanglam dan..  
 vi). Bung 15:14 - 16:27 :- Thutawpna.

**Tuni zildaw te :-**

- i). Kochuam te chu Pathian nasepna ah tawmngai leh thutak a poimaw dan ei zilti hi.  
 ii). Kochuam ten mi zosia khenchuamna leh dangdakna neilo ding ahi dan ei kawkmu ahi.  
 iii). Kochuam te chu taksa leh thagau ah hatlona leh buaina nei zing pum ah, Pathian na sem zing ding i hi dan uh ei kawkmu hi.



**2. Judate leh Jentel te kianga chanchinpha (Ch. 7-13).**

Zia chang sung hin, Khawvel ah mi zosia kianga chanchinpha hungtun dan a gen ah. Amasapen in Juda zektan te laka Jesu khrist chu chanchinpha nasem ah hung ahidan a gen ah. A zaw in pathian helou Jentel ten Pathian tak a mu'u ah, ahun chawihawi theina dingua Jesu khrist chu khawvel ah hung ahi dan a gen ahi.

Ch. 7. Khrista'n nangmau a lawp guala nangma'u le kilawptua un, ati chu amau haw chu gitlona dim himaleu Jesu khrista in ahinau gual gual ah a pawm ah kumtuang gam ah a pulut gual in amau haw le khat leh khat kilawptua dinga a gen ahi. Ginna hat leh hatlo deu le um intin, Juda leh Jentel kal ah le kibatlona chuamchuam um maleh khrista dungsun unla, kilawptua un, zia chu Pathian lopina ding ahi ati ahi.

Ch. 8. Ipu-leh-Pate'u kianga thutiam sukdetna, ati chu thuthunglui lai apat Jesu chu Juda te lak apat hungpiang dinga ki gen, thuthungthak hun ah guitung ah ahung piang thu a gen ahi. Pathian chu a thutiam ah zuau ngailo ahiziakah a thutep chu guitung le ahi ati ahi.

Ch. 8. Jesu khrist chu zektan te nasem ah hung, ati chu Juda te chu Pathian thuthung zawm zektan nam ahiu ah, amau laka Jesu ahung ah chanchinpha na a sep chu a genna ahi.

Ch. 9. Jentel ten Pathian a chawihawi theina ding un, ati chu Jentel te chu khrista ziakin Pathian in a cha hiding in a pawm ta, chutichun amau in Pathian ahun mu'u ah, ahun chawihawi ding dan uh a gen ahi. Sam 18:49 na kigen chu jentel te hukdamna zia ah pathian a chawihawi ding dan uh a genna a mat ahi

Ch. 10-11. Jentel te leh nam zosia te haw, Lalpa chu pak tau un, ati thu hi Deut. 32:43 leh Sam 117:1 na, namtin Pathian pak dinga chialna thu Paul in a gensawn kit ahi. Khrista nasepna ziaka Jentel te vangphatna lopina chu a ngaitua leh Pathian chu paktak ahizia amu, a diak ah Jentel ten Pathian chu chawihawi dingte ahi dan uh a gen ahi.

Ch. 12. Jesse zungjam ah Jentel te vaihawmtu dingdawk ding, ati thu hi Isai 11:10 na Jesu chu Jesse phunggui apat hung piang dinga kigenlawk a gen ahia. A genlawk gualin thuthungthak hun in Jesse Innkuan, David suan Joseph apat in Jesu chu Khawvel tan di'n ahung piang ta ahi. Zia chun Jentel ten vangphatna lopitak mai a dawng tau ati ahi.

chun a Innveng te phatlona ding a ngaitua ngai puau ati ahi. Thuthunglui ah Thusawmpiak inle eima i kihepi guala Innvengte hepi ding i hi dan uh a gen sa ahia. Innveng te chu bangkim ah pawimaw masapen leh panpi theitu naipen ahiziai ah Innvengte tawh kihouthei a pawimaw dan a gen ahi. Ziaziakachun, Innvengte chungah lungthim phalo neilo ah, amau le taksa leh thagau ah a hatzaw na ding uh ngaitua ding chu gingtu te hi ding ahi ati ahi.

*Ch. 3. Khrist ngei inle ama kipakna ding mai hawlo*, ati chu Jesu khrist in ama nawpna hawlo ah midang nawpsakna ding ziaka kros ah thuak in ama zuitute a dinga lampi a siampiak thu a gen ahi. Ziaziakachun, gingtute chun eima a ding bep ah hing lou ah midang a dinga hin hi thil pawimaw leh kipumkhatna ahia. Khrista'n midang a ngaisak gual in ei unle bangkim in midang i ngaisak ding uh ahi ati ahi.

*Ch. 4. Malai ah thu kiziakte eimau kiziltina dinga zek*, ati chu thuthunglui lai ah Judate chanchin kiziak te kha thuthungthak ah gingtute ki ziltina dinga zik ahi ati ahi. Judate chanchin a chun gentheina tamtak a thawk dan uh leh thilpha leh gitlona kidona chanchin ahia. Pathian lam ah pan zia ah gentheina thawk chu khawvel lam ah pan ziaka buaina pumpel sanga a phatzaw dan chanchin tamtak a chuang ah. Pathian in a mite lampi a siamsak chu abul til ah lampi nuam in langlo maleh a tawp leh lamdik ahidan chu thuthunglui a chun muthei ahi ati ahi.

*Ch. 5. Ngilneina leh thawkhatna Jesu lungthim gual*, ati chu midang chungah thilpha i bawl phatleh a chang leh phat i suanate apat inle gensiatna te, housiatnate leh mudana te le a kidawng thei ah, zia hun phat chuleh Pathian thagau apat ngilneina leh thawkhatna nei a pawimaw dan a gen ahi. Jesu khrist inle ama mantu leh a mudatu ten diklo tak ah a sawisak lai unle ngilnei tak leh thuak hat tak ah a um gual khan amau le um dinga a dawisak thu a gen ahi.

*Ch. 6. Lungthim munkhat leh kithugual ding*, ati chu gingtute chu Pathian pakhat hou leh Baptisma pakhat ah chang ahi dungjui ua lungthim munkhat pu ding leh kithugual ding ahizia'u a gen ahi. Pathian thagau pawlna channa ding leh Pathian gam kekletna di'n kithugualna chu thil pawimaw pen ahi. Sam. 133 na'n le 'Unau kihothai dial dial ah umkhawm a nawp dan leh Pathian malsawmna dawnna lampi' ahidan a gen hi.

Rom Lekhathawt HILCHETNA

Zillai - 2

Thupi : Paul leh Chanchinpha.

Bible Simdi : Rom. 1: 1-7.

Changvawp : Rom. 1:4.

### THUMAPUI :

Tuni I zilding uhi, Rom Lekhathawt zia kpa, ama Paul akigen chian na te, Khrista nasem dinga a kipiak dan te, Rom ah Kochuam te a Chibai bukna leh Pathian in Kochuam te amau puizel ding ah, a dawisakna thu a genna ahi.

### 1. Paul in Kochuam te a Chibai bukna, (1:1-7) :

Ch. 1: *Paul* ti'n a zia ktu chu, ama ngei ahi dan a kigen chian masa pen ah, zia a min Paul hi a Grik min ahia, a Hebrai min chu Saul Israel te Leng masa pen min tawh a kibang hi (Ns. 13:9). A Hebrai min sang in a Grik min ah mi tamzaw te hiat in a um ah, Gentel te Sawlchak ahi zawk zia hi di'n ginchak ahi.

Ch. 1 : *Jesu Khrista suak*, a kiti na zia ktu chu, ama dawidan ah khawsa talou ah Khrista dawidan ah Khawsa ta dinga akipiak daw tak zia kin ahi. Thuthunglui ah Puitu leh Zawlnei khenkhat -Mosia, Joshua, Amos leh Jeremiah te kha le *Jehovah suak* a kiti gual un, ama le kingaitawm takin, *Khrista Suak* a kiti ahi.

Khawvel gam ah Suak te le, a pu teu thuthu a um ban ua, a puteu suklung awi zing chu, a na'u thupi pen ahi gual in, Sawlchak Paul inle, zia thute chu hezing in, Khrista suak aki ti ahi. Khrista suak ti paukam chun khawvel ah gingtu zosia le a huapvek in, Lalpa dawidan bep en zinga, lau leh kithing pum ah, kingaitawm tak ah, ana sem ding i hi dan teu ei kaw mu ahi.

Ch.1 : *Sawlchak (Apostle) hidinga kou*, aki tina zia ktu ahileh, thuthunglui lai ah, Pathian in ana sem ding ah mi a koudaw sek gual ah ama le Pathian in a kou daw ah aki ngai ziaka a gen ahi. Sawlchak a kiti thei na zia ktu dang chu, Jesu'n a nungjui te ana sem dinga a kou daw gual ah, ama le Jesu tawh aki tuak a kha, Juda te leh Gentel te kiang ah a na sem dinga a kou leh a sawl ah aki ngai zia ktu ahi. Tuni tiang in zia kouna leh sawlna chu gingtute chungin a kibang zing a, kua hileh Jesu khrista tawh a kituak phat

leh ana sem dinga kouna leh sawlna Aw a hesek un, amau leh amau kingai khawk in Lalpa na chu a phutawk un a sem sek uh ahi.

Ch. 1 : Chanchinpha gen dinga se chuam, a tina ziak ahileh, Khrista tawh a kituak ma, Pharisai(kikawichuam pawlte) lak ah pang sa him ahia, tu hi Chanchinpha gen ding ah Lalpa Jesu'n a kou daw kit leh, Se chuam ah aki ngai ziak ahi. A Nu gilpi sung apat Pathian in a Se chuam sa in le a kingai ahi(Gal. 1:15). Zia lou achun, Antiokei Kochuam te hiatpina thagau thiangtho in chanchinpha gen ding a Barnaba tawh a Se chuam sa him (Ns. 13:2) ahi ziak kha le ahi kit hi.

Ch. 2-3 : Zawlnei te mang ah a Tiamsa leh David suan, ati chu thuthunglui hun lai apat zawlnei ten Juda te taksa leh thagau ah hukdamtu Messiah hung ding ala gen lawkuh a gen na ahi. Etsakna'n, Zawlnei Isai in Jesu piang ding thu kum tamtak masang in ala genlawk ta ahi (Isai 9:6). David Suan a tina chu, Jesu khrista chu mihing pianphung gui ah, a pa Joseph Juda nam, David sua apat hung piang ahi ziak ah, a gen ahi (Mat. 1:1, Lk. 3:31, Thup. 5:5).

Ch. 4 : A Thawkit na'n Pathian chapa ahina taklang, ati chu Jesu Khrista chu thina'n le a tuktan zaw lou, Than apat thokit Lalpa bangkim hithei ahi ziak ahi. Ei uh Kochuam te le Pathian cha tak i hi leh hilou chu, thokit nikhua leh ei taklang ding ahi. Pathian chatak i hui chun, jesu gual ah thi na'n tuktan zolou dinga thiamchang a thokit hitiu in, amabou pathian chatak i hi lou uh leh vang thiamlo chang ah thokit ding i hi dan uh ei kawkmua ahi.

Ch. 7 : Pathian dawichuam tak mi thiangtho te, a tina ziak chu, Pathian in mi zosia hepi maleh ama ging leh lau te aman hepi leh dawichuam diak ahi dan a genna ahi. Mithiangtho te a tina chu Kochuam te chu ginglotu, mibuak te lak ah pat lakdaw/kodaw ahiu ah, chuleh amau leh Khawvel phatlou na apat kikawi thiangtho te ahi ziak ua a gen ahi. Tulai Kochuam te le Pathian dawichuam diak leh mitchukna leh ginglo tute sang ah chungnung zaw te i hi dan uh ei zilti ahi. Chun, Pathian chu thiangthona dim Pathian ahia, ei uh le bangkim ah thiangtho dingte i hui a, Jerusalem khawpi thiangtho Lalpan a mite a dinga a siam piak lua dingte chu bangkim ah thiangtho ding i hi dan uh ei kawkmua kit ahi.

ahi. Ahinla, ginglo mite thilbawl zosia gitlona ahi tina vang lak ding ahi puai. Gingtute chu ginna apat thilbawl ding leh ginna chia ding te i hui a tina ahi.

#### **Tuni zil daw te :-**

1. Eima zalenna mi dang siatna mat lou ding ahi dan..
2. Mi dang chungchang ei ma'n vaihawm lo ah, Pathian khut ah kaw i ding ahi dan..
3. I gingtu chanpi te tawh thagau ah kisukhattuana delzing ding i hi dan teu.

#### **Zillai - 19.**

**Thupi** : Khristian kipumkhatna leh Kochuamte.

**Bible Simdi** : Rom 15:1-13

**Changvawp** : Rom 15:7.

**Thumapui** : Tuni i zil ding uhi, Kochuam te chu ginna a hat leh hatlo um maleh kipumkhat ah um ding ahi dan uh a gen ah. Jentel leh Juda hi na'n le kibatlouna tamtak um maleh khrista thisan zala Innkuan khat ah umkhawm ahi tak ziakua kihepi leh kinel tak ah um ding ahi dan uh a genna ahi.

#### **Tuni zil dingte :**

1. Midang kipakna ding hawl ding (Ch. 1-6)
2. Juda te leh Jentel te kianga chanchinpha (Ch. 7-13).

#### **1. Midang kipakna ding hawl ding (Ch. 1-6).**

Zia chang sung hin gingtu chanpi ginna hatlo te khawtua ding ahi dan uh leh Innvengte chung ah phatna sua ding ahi dan uh a gen ah. Bangkim ah Jesu khrista chu ettawn ding ahi dan leh Kochuam chu kipumkhat ding ahizia a gen hi.

Ch. 1. A hat ten a hatlote titlona ngaithiam ding, ati chu gingtu hat te chun ginna hatlote kaibat leh hiathiam ding ahidan a gen ahia. Gingtu piting te chun amau kipakna ding bep hawl lou in midang kipakna ding le a ngaitua sek ua, a hat lote le ahinaw dungjui ah pawm dan leh kipawlp i dan le a thiam ui ati ahi.

Ch. 2. Innvengte phatna ding ngaitua chiat ding, ati chu gingtu dik tak

pukna siamtu panglo ding ah agen ahia. Ziaziakchun, a khawsakna zosia' u ah chingthei ding in a gen ah, a chutilochun ginna mihatlo te a ding ah themtu hi khan lau ati ahi.

*Ch. 13-16. Midang pukna siamtu hikhak ding kiven ding,* ati chu gingtu chanpi supuktu panglou ding in kiven un ati ahi. Mi khat in thil khat a nekziaka gingtu khat a suksiat chun a nepa chu a diklo ahi. Khrist thil daw chu mi zosia hepi ahia, la thil bawl ziaka midang sumang thaitu la pan chun midang hepina la nei puai. Ziaziakchun, nang in pha la sak midang ding a pukna tungthei thil um ahi ziakin, mi dang a ding a thilphalo ahi chun la thil bawl chu bawl da zawn ati ahi.

*Ch. 17-18. Pathian gam chu Nek-leh-Dawn thu hilo,* ati umzia chu khrista chanchinpha chu nek thieng leh thienglo ah ki hiattiam lona mai ahi pua'n, thamuanate leh kipakna lam ahi zawi. Tu damsung a ding bep hilou thinung tiang huap chanchin ahizak in, khawvel thil mai mai gual in ngaitua kiu in. Ziaziakchun, zia nasem ah pangte chu Pathian leh mihing in a kipakpi sek ui ati ahi.

*Ch. 19. Midang tawh kichamna leh kisuk hattua del un,* ati chu a thilbawl in mi dang a kilik sak chun, taksa leh thagau ah a kilikpa tawh kichamlo ahi tau ah. Ziaziakchun, mi dang supuktu pan sangin amau ginna suhattu pangzawn ati ahi.

*Ch. 20-21. La thil nekin Pathian nasep susekin,* ati chu a thil bawl in mi dang a suksiat leh Pathian chakhat susia ahitak ziaka Pathian melma leh a nasep doudaltu pang ahi ati ahi. Chutichu ahiziakin, nang a ding a gitlona ahiziakin la thil nek chungchang in chingthei inla, zia lo chun Pathian nasep doudaltu pangkha thei lahi ziakin kiven in ati ahi.

*Ch. 22. La ginna nei Pathian ma'ang ah nang bep hiat hi hen,* ati chu ginna mihat la hi chun la ginna chu pathian tawh kal bep in mang inla, midang gensiat na leh demna'n mat da in ati ahi. Ama sia-leh-pha hiatna thiamlo kichanlo mi chu Pathian ngai in midik ahi ban ah mi vangpha ahiu ati ahi.

*Ch. 23. Ginna lo ah thil kibawl phawt gitlona,* ati chu Pathian nasepna zosia ah ginna chu thil pawimaw ahidan a gen ahi. Mikhat in thiamlo kichan pumpum ah thilkhat a bawl leh ama leh a thilbawl a chun a chian pua, a dik ngei ahi dan hechianlo (ginna neilo) ahi. Ziaziakchun, a thilbawl chu ama a di'n gitlona ahizawk ziakin thilpha chuamlo a suak in, bawlo a phazawi ati

C. 7 : Hepina leh Chamna, ati chu khawvel apat pawt hilo Pathian apat pawt ngei kihepituana thiengtho, genthei leh tasam te tiang ah lunggil tak ah hepina hinkhua a genna ahi. Chamna ati chu Pathian toh kichamna leh mihing leh mihing kichamna, Pathian apat pawt a genna ahi. Hebrai pau a Shalom/Salem kiti lemna leh thamuan lam chu Paul in a gen nawp ahi. Kochuam te lak ah chun, kihepituana, kikhawtuana, kichamna leh lungmuanna um ding ahi dan ei kawkmua ahi.

**Tuni zildaw te :**

- i). Gingtute Lalpa suakte ahidan.
- ii). Gingtute Pathian in hepi diak ahi dan.
- iii). Kochuam te lak ah hepina leh Chamna a poimaw dan.

**Rom Lekhathawt HILCHETNA**

**Zillai - 3**

**Thupi : Chanchinpha'n mi zosia huap.**

**Bible Simdi : Rom. 1: 8-18.**

**Changvawp : Rom. 1:16.**

**THUMAPUI :** Tuni i zil ding uhi, Rom ah Kochuam umte a phatchuam ngai dan uh mun tin ah gen ahi ziak ah Paul kipakna thute, mukal a ngakla dan te leh chanchinpha chu a ging taphawt te a ding ahi dan a genna ahi.

**Tuni zilding thupite :**

I). Kipakthu genna leh pauchapna - 1:8-15.

II). Chanchinpha thilhitheina, 1: 16-18.

**1. Kipakthu genna leh Pauchapna, (1:8-15).** Zia chang sung hin Paul in Kochuam te a phalam ah a minthang ziak ua a kipakpina thute, mukal a ngakla dante leh a pauchapna a hiatzing dante a gen na ahi.

*Ch. 8 : Khawvel zosia,* ati hi a gen Uar ziaka a genkhak ahin, zia hun lai ah Rom te vaihawmna sung a genna deu ahi.

*Ch. 8: Pathian kianga kipakthu gen,* ati hi Kochuamte minphatna ziaka Pathian kianga kipakna a tutna gen ahi. Paul in a lekhatot zosia kipak

thugenna amat nasat mama hi, tulai Kochuam te ettawn di'n apha. Gingtu diktak hinkhua chu kipakna dimlet leh midang phatnate mu leh hiat ah kipakpi nate ahi sek hi. Mite phatna kipakpi na hi a phazaw diak a, sem dinga tilkhouna poimaw tak le ahi.

*Ch. 9: Ka pauchapna a chun*, ati hi Rom ah Kochuam te, a mukhakilou himaleh a pauchapna a hiating dan a gen ahi. Jesu le a nungju te leh ama sugenthei te a di'n a pauchap ah, Stephen le ama soisa tute a di'n a pauchap kit ah, zia gual ma chun, Paul le Rom Kochuam te a di'n a pauchap kit ahi. Amau gual hin, tulai Kochuam tenle i hepi tak te a ding, a chanchin bep i hiat, melhiat lou te a ding leh umdan phalou zuite a dinga, Pathian kianga pauchap ding ihi dan uh ei kawkmua ahi.

*Ch. 11-12: Thagau lam ah thilpiak leh kithamuantua*, ati chu Kochuam te suk hatna dinga Pathian thu-leh-la ah va kipawlp i ding atina ahi, Rom Kochuam te chu kochuam naupang ahiu a, thepna chuam chuam lak ah khawsa ahiu ahe jinga, va chia ah, va phu det chu alung ah lian pen ahi dan a gen hi. Tulai Kochuam ten le midang chawmtu i hina hin i Chawpte (Ei sanga hatlou deute) apat thilpha tamtak muthei ahi dan hezing ah tawmngai sua ding i hi dan uh ei zilti ahi.

*Ch. 14: Batnei*, ati hi Chanchinpha a kiang ua gen dinga kisazing, ahinla a chiazing theilo thu a genna ahi. Leibat nei, ditlo theilo guala chanchinpha va gen ding chu a ngaikhaw mama ah, "Bawlo theilo ka chung kinga" (IKor. 9:16) ti leh "Khrista hepina chun, ei sawl himhim ahi" (2Kor. 5:14) tite in a puakgik dan a gen sek ahi.

**2. Chanchinpha thilhitheina chu, (1:16-17).** Zia chang sung hin chanchinpha a zachatpi lou dante, chanchinpha chu thilhitheita leh a ging taphawt te hukhin na dinga Pathian lemkuat ahi dan a gen hi.

*Ch. 16: Chanchinpha ka zachatpi puai*, ati chu a hinkhua ah mun tamtak ah a zachatpi theina mun te a genna ahi. Etsakna'n, Athen khua mipilte'n a thugena nuisan nateu (Ns. 17:18-32), Korinth khua a thugen zuau a chansak nateu (IKor. 1:18-24), Thesolonika apat a zanzan ah Beroea khua lam ah a zam thute a huap vek hi. Zia gual khawp a chun chanchinpha ziaka gentheina thuak maleh zachatpi lou in, a suang in a suang zaw nalai hi. Tulai Kochuam te le khawi mun ah i khawsak na, ginglotu lak leh mun dangdang ah le, chanchinpha zachatpi lou ah dinpi ding leh suang dingte i

*Ch. 2-3. Nek thu ah kimusit leh kidem lou ding*, ati chu nek thiang leh thiango thu ah ngaidan kibatlona a um ziaka ki hethiamtua dinga a gen ahi. Sa ne nuam lo in a ne nuam pa chu gensiat da henla, a ne nuampa chun le a nelou pa chu gensiat da hen, a pani'u chun Pathian suak te ahiu. Zia chu mimal tawh Pathian kalthu ahi ta'n, nek-leh-chak ziaka hukdamna tinglo dinga ki gen chu nang uh buaipu ding ahi pu'a'n, Pathian khut ah um ahia, aman mi zosia ahi nau dungju ah a pawmhi ati ahi. Jesu thugen -Gense ki'n, gensiat in um puanla (Mt. 7:1) ti thu kha Paul in a lungthim ah a um ah a gennawn hi di'n ginchak ahi.

*Ch. 5-6. Mi khat in nikhat ngai lopi ah mi dang in ni zosia kibang ah ngai*, ati chu Ni mat thu ah ngaidan kibatlona um maleh ki gensetua lo ah, kihethiam tua taka um dinga a gen ahi. Hapta khat ah Nibik nei ah pathian houte (tekhin na'n Juda te) chu a dempua, a neilo te le a awimaw diak pu'a, bangkim chu Lalpa lopina dinga bawl leh chan ahi phawt chun a phai ati ahi. Zia gualachun Nek-leh-Chak thu ale Lalpa lopina dinga nek ahileh pha asa, Lalpa lopina dinga neklo ahi inle a siatna a um puai ati ahi.

*Ch. 7-9. I hin inle Lalpa a, I thi'u inle Lalpa a*, ati chu a Ane-leh-Nelou te le Lalpa a ahiu ah, a hingte leh a thi te le Lalpa a ahi vek ui ati ahi. Pathian chate ahitak nung ua chun bangkim a bawl zosiau chu Lalpa a kipat pawt ahia, a tawp nau le Lalpa ma ahia, ama apat zam man na ding a um puai ati ahi. A lekthawt danga "la thil bawl zosia'u Lalpa lopina dingin bawl un" (IKor. 10:31) ati kha tawh kibang ahi. Lalpa chu bangkim ah a bangkim uh ahi ban ah, ama a dinga hing ding leh ama a dinga thi ngam dingte ahi dan uh a gen ahi.

*Ch. 10-12. I lengua vaihawmna chutpha ma ah i umdan chiat uh kipuung ding*, ati chu nitawp nileh mi zosia lalpa vaihawmna ma'ang ah kilang ah i umdan chiat uh gen ding i hi dan uh a gen ahi. A gennawp pen chu gingtute chu khat-leh-khat kigensia kimuda ding ihi puau ah, mikhat in mi dang chung ah a thutan ding hilo in Pathian in nitawp nileh a vaihawm khum ding ahizawi ati ahi. Zia thu hilchianna ding a chun Isai 45:23 na thu -Mizosia Pathian ma khup din ah a chanchin uh kigen ding ahidan uh kigen a gensawn kit hi.

**2. Mi dang te kipalpai sak ki'n (Ch. 13-23).**

Zia chang sung hin, gingtu mihat khat ahiu leh a gingtu chanpi teu

thagau ah dou in, la suk pitin lou ding uh ahi. Chutileh khrista hung phat leh thiamchang ding la hui ati ahi.

**Tuni zil daw te :-**

1. Gamsung vaihawm te thupiak zawp chu Pathian lunglam ahidan..
2. Eima i kihepi guala mi dang i hepi leh dan zosia zui bukim i hi zia'u..
3. Khrista hungkit ni dinga kisa zousa um ding i hi dan teu..



**Zillai - 18.**

*Thupi : Kochuam te hinkhawm ding dan.*

*Bible Simdi : Rom 14:1-23*

*Changvawp : Rom 14:17.*

**Thumapui :** Tuni i zil ding uhi, gingtute laka thagau ah hat leh hatlo um ahi zia ah, kikaihuaitua ding ahi dan uh a gen ah. Mi zosia'n ama tawh khrista kal en zon, a gingtu chanpi te chu vaihawm khum ki hen, Pathian in vaihawm khum na'n a ati ahi. Zia ban a chun, bangkim ah la gingtu chanpi teu hinna susetu panglo ding in kiveng unla, chingthei takin khawsa tau in, ati ahi.

**Tuni zil ding te :-**

1. Mi dang chung thu ah vaihawm ki'n (Ch. 1-12).
2. Mi dang te kipalpai sak ki'n (Ch. 13-23).

**1. Mi dang chungthu ah vaihawm ki'n (Ch. 1-12).**

Zia chang sung hin gingtute chu hindan kibang lou chiat ahiziakua, kigensetua lou ding leh vai kihawm khum lo ah kizatua chiat ding te ahidan uh a gen ah. Thilpiak la dawn teu mangthiam unla, khrist in nang haw a lawp gual in nang uhle kilawptua un ati ahi.

*Ch. 1. Ginna hatlote kipak taka lawp,* ati chu a hatlo nau apat a hat theina dingua panpi leh lawp dinga a gen ahi. Chutilou ah a hatlou nau ah la awimaw leh thatbeina lam ah la deudeu intin, tummang deudeu khan'a. Ziakiachun, dawthei taka hatlo te chu lawpthiam zawk ding ahi ati ahi.

hi dan uh ei kawkmua ahi.

Ch. 16 : *A ging taphawt a dinga Pathian thilhitheina,* ati chu Jesu ging taphawt te hukdamna dinga chanchinpha (Khrista thina leh thawkit thu) chu Pathian guat ahi dan a gen ahi. Hukdamna ding a chun chanchinpha tilou chu lampi dang a um pua, chuleh Pathian phudet ahiziakin a hingin thilhithei ahi dan a gen ahi. Tulai gingtute le chanchinpha ah kithuam te chu, Pathian thilhithei na a chung ua kilang ding ahi dan ei zilti ahi.

Ch. 16 : *A lim ah Juda te, aban ah Grik te a ding,* ati chu khrista chu a lim ah Juda te a dinga hung ahia, ahinla ala nawl ziaqua, Grik te (Jentel te zosia tina le ahi) a ding ahung hi dan a genna ahi. Juda ten a Lalpau Messiah ala nawl ziaqua, Jentel ten khrista thina ziaqua hukdamna a chan uh a genna ahi.

Ch. 17 : *Midik chu ginna'n hing in ah,* ti thu hi Paul in Zawnei Habakuk 2:4 na thu kigen a gen sawn ahi. Habakuk in Pathian in ama mangcha Israel te Saltang ding a genlawk taksang te hing ding leh midik ah Pathian in a ngai ahidan a gen ahia. Zia gual achun, Pathian in Paul mangcha thu a gen taksang te chu midik ah a ngai ding ban ah kumtuang hinna nei ding (Hingding) ahi dan uh a gen ahi. Tulai gingtute le Pathian thupiak taksang leh zawm te chu Pathian in midik ah a ngai ban ah nitawp nileh a hukdam dingte ahi dan ei kawkmua ahi.

**Tuni thuzil dawte :-**

1. Khawi mun ah le, chanchinpha zachatpi lou ding.
2. Paul in nam zosia hukdam, ahi diu aveinat guala ei unle ginglote hepi.
3. Kochuam ten eima Kochuam bep hilou Kochuam dang le ngaisak ding ahi dan.





Rom Lekhathawt HILCHETNA

Zillai - 4

*Thupi : Jentelte diklou nate.*

*Bible Simdi : Rom. 1: 18-32.*

*Changvawp : Rom. 1:28.*

**THUMAPUI :** Tuni i zil ding uh hi Jentel te'n milim a hou ziakua Pathian in a nungngat san na thute chanchin ahia. Pathian thu ahe ngal un, ahinla a zawpnaplo ziak ua Pathian lungnatna a chung ua tung ding ahi dan te leh Pathian chu thiangtho leh diktat Pathian ahia, ama thu zuilo zosia a gitlo nau dungjui ah gawt ding ahi dan a gen hi.

**Tuni zilding thupi te :-**

1. Jentel te milim houna : (1 :18-23)
2. Pathian in a kiheimang sanna. (1:24-32).

**1. Jentel te milim houna, (1:18-23) :** Zia chang sung hin, Jentel ten Pathian ahina gual ah a chawihawi lo ziak ua Van a kipat Pathian lungnatna a chung ua tung ding ahi dan a gen na ahi.

Ch. 18. Van a kipat Pathian lungnatna, ati hi Pathian thuawi lote chungu tu damsung a vangsiatna leh nitawp ni ah gawtna a chan ding teu a genna ahi. Khawvel ah Pa pha leh nunnem tak tele a chateu a gitlo uh leh a lungnat gual un, Pathian chu hepina dim hiziang lehle a chate gitlo ah a mangthai ding uh ngai ngam lou in, a lungnat na pawt sek ahi dan a gen ahi.

Ch. 19-20 : Pathian chanchin hiatthei dinga taklang leh thilsiam te apat kilang, ati chu mihing te kianga Pathian a kipuan na chuamchuam a genna ahi. Thuthunglui leh Thuthungthak ah Pathian leh mihingte kipawl na apat Pathian chu vaihawmtu ahi dan mun tamtak ah gen ahia. Chuleh, Khawvel ah thilsiam zosia apat le Pathian chu a um taktak ahi dan ngaitua daw thei ahi kit hi. Helou leh mulou ahi diak puau ah, a thu a zawp naplo ziak bep uh ahi zia kin Pathian lungnatna pumpel na din, suanlam ding a nei puau ti' ah gen ahi. Tulai ah Kochuam te le, Pathian thilhitheina mu leh he ngal, ahinla zawm nuamlo i hui chun, nitawp nileh Pathian lungnatna tuak tho ding i hi dan uh ei kawkmui ahi.

Ch. 21-22 : Lungthim ngoltak thim zo tileh pil ah kingai maleh mingawl hizaw, ati chu Pathian thu hezing ngal ah gitlona lamzuan ah kalsuan

(iii). Kichak ding kicha leh Zading dawl za, ati chu vaihawmte dan kal ah um ding thil kichak um ahiziak ah amau haw simmaw lo ah za ding a gen ahi.

**2. Kihepitua chiat ding, (Ch. 8-10).**

Ch. 8. Kihepitua beplo kuama thil batlo ding, ati chu hepina chu Kochuam ten Khrista apat a thil dawn uh thupi pen ahia, khrista'n mi zosia a hepi guala amau inle mi zosia hepi ding ahidan uh a gen ahi.

Ch. 9. Innveng te hepina'n thupiak zosia khaikhawm, ati chu khrist neitak tak te chun midang suksiatna lungthim a nei ta puau ah, ama-leh-ama a kihepi guala midang a hepi sek ahia. Zia chu min a nei ahileh thupiak dang zosia chu a neisa ngai ahi tai, ati ahi. Ziatakah Innveng ati hi chenkhawmpi innveng te bep genna ei puau'n, khawvel mi zosia genna ahi.

**3. Dawtna kinkhawk (ch. 11-14).**

Zia chang sung hin khrista hungkit ni ding a naitak zia a gen ahi. Ziakiakachun, Khawvel phatlona te nusia ah ama doi guala khawsa ama a dinga kisazosa um dinga a dawisak thu a gen ahi.

Ch. 11. Tulai hun um dante, ati chu khrista hungkit ma deu chu zan tawh tekhn ahia. Zia zan chu bei taleh khua vak ding (khrista hungding) ahitak ziaka pilvang un ati ahi. Tu ah la hun mat uhi, thiamchansakna hun ahia, bei vang vang ahi tai atia. Ziakiakachun bang hun ah ding la hui em? kingaitua unla, la hun mat uhi a vaigei lam ahi tai ati ahi.

Ch. 11. Ipmu lai thawhal a huntai, ati chu kua hitaleh khawvak ding kuana tho te chun, khua vak ding ei tai ti a hiat gual un, khristian ten le khrist hung ding ahi tai, ti hiat ah umchanpha ah um ding ahi ati ahi.

Ch. 12. Zan hi bei vang vang, khua vak ding hita, ati chu tu hun Bi amat uhi, Zan ati'n, khrista hung kitni ding chu khawvak leh sun tawh a tekhn ahi. Zan hun ah khawsa ahiziak ua thim thuneina'n a vaihawm khum ah. Zia hun chu a bei phat leh vang khua vak tan tin, thim thuneina bei in vak thuneina'n khawvel vaihawm tan ah. Ziakiakachun, zan chu bei ding ahitak zia kin khaw thim thil te pai in, vak thuam in kithuam tau in ati ahi.

Ch. 14. Lalpa Jesu ah kithuam ah taksa utna te pitin loding, ati chu Jesu min ah Baptisma a chan uh khan, ama ah kithuam ahi tau ah (Gal. 3:27). Ziakiakachun, nisin ah khrista daw gual a khawsa ding te ahidan uh a gen ahi. Taksa utna chuam chuam nawpna phalo te um maleh zia te chu



ka nei puau ti'n sorkar ah Lalte dou in, Sia piak le a kham sek ua, zia haw ngaidan sukbeina dinga Paul in a gen le ahi.

Bible sunga gam vaihawmte thumat ding ahidan a nuai ah gual in a gen hi.

(i). Jesu'n le Sia kidawl a piak ban ah peding inle mi a hil hi (Mt. 17:24-27).

(ii). Peter leh Tita ten le gamsung vaihawmte nuai ah kitulut di'n a gen hi (IPet. 2:13-17, Tita 3:1-2).

Ch. 1. A chung ua thuneite tileh thuneite Pathian guat, ati chu Kochuam puitute genna hilou in gamsung vaihawmte a genna ahia. Vaihawmte thumat ding a tina ziaik chu, amau chu migilo gawtna pethei leh mipha te hepina latsak thei ahiziak uh ahi. Chutichun, gam khat chu vaihawmtu umlo theilo ahiziak ah vaihawmte chu Pathian guat ahi atia. Vaihawm masa Herod, Kaisar, Pilate te haw khale Pathian in vaihawmtu dinga a guat vek ahi ati ahi. Paul in zia lekthawt a zek hun ahin, Nero chu a Lal panta, ahinla khristian te a sugenthei nai pua'n, mi zosia a dinga phatlon a bangma a bawl lo ziaikin gingtute'n a thu matding ahi ati ahi.

Ch. 2. Chunga thuneite doudal chu Pathian doudal, ati chu gamsung vaihawmte chu Pathian guat ahiziak ah amau doudal te chu a guatpa Pathian doudal ahi dan a gen ahi. Sakhuana kepbitna dinga doudal ahilo phawt uh chun thuneite niakkal chu Pathian chung a gitlona ahi ati ahi.

Ch. 3-4. Vaihawmte chu thilpha bawlte dinga lau um lo, ati chu Sorkar chu migilo te gawt dinga kisazo zing ahia. Ahinla, thilpha bawlte chun, zia gawtna te chu tuak loding ahi ziaqua a lau um pua'n, amau haw chu migilo te laka vengtu zawk ahiu ati ahi.

Ch. 5. Lungnatna lau ziaik bep hilo in, la sia-leh-pha hiatna ziaik un, ati chu thilphalo la bawl ua vaihawmte gawt ding lau ziaik bep ah a thu uh nung ding ahi pua'n, houtu za chu Pathian za ahi ti la lungthim ua la hiatna ziaqua a thu uh nung zawu in ati ahi.

Ch. 6. Ziakiak ahin Sia la pesek ua, ati chu Sorkar in gamsung etkawl na dinga Sum-leh-Pai a pawimaw ah, mipiten Sia kidawl chu a piak uh leh Sorkar chu panpi ahi dan uh a gen ahi.

Ch. 7. (i). Mi kianga piak ding chu pemai un, ati chu Sum-leh-Pai leh thil dang dang mi kianga piak ding dawl te a gen ahi.

(ii). Leiman piak ding leh Sia piak ding, ati chu Sorkar in mipite kianga Lou leh Inn khasana a dawl te a gen ahi.

zel, a lungthim thupha lam hetheilo dinga sukthim ah umte a genna ahi. Ama leh ama chu pil in a kingai ah, ahinla Pathian ngai in vang mingawl, a mangthai na ding lampi zuan ahi sek hi. Tuni tiang hin, Pathian doidan ah chia lo ah, ama doidan ah chiate chu, amau kihelou maleu Pathian in a malam ua a mangthai diu a mu piak ah, kipak tak ah a zawt uh chu mipil in a ngai theilou ahi.

Ch. 23 : Pathian thitheilo chu mihing thithe te lim guala siam, ati chu Jentel ten Pathian hing hou sang ah siamkawm milim Pathian a siamtu a hou uh a gen na ahi. Pathian in milim siamkawm hou chu thuthunglui apat a zakda lianpen (Thusawm piak ah le a gen) ahi zing ah, ama bep hou leh biak chu a kipakna ahi.

## **2. Pathian in a kiheimang sanna, (Ch. 25-32)**

Zia chang sung ahin Jentel ten Pathian dan zuilo ah amau nawp dandan ah a khawsak ziaik ua Pathian in a kihei mangsan na thu a gen hi.

Ch. 25 : A siampa hou sangin a thilsiam te hou in, ati chu Pathian helou te, amau leh amau pil kisa ah, Pathian dawidan zui sang ah amau doidan ah kalsuan te a genna ahi. A siampa dawidan a zuinawp louna tak uh chu a chia khialnau ahi. Tulai ah gingtu te le Pathian hou leh dawt sanga eima hiatna i kisuan na hi, milim houna tawh a kibat ban ah, Pathian chung a gitlona liantak ahi dan ei kawkm u ahi.

Ch. 26-27 : Zachat um tak ah kisiam, ati chu numei leh Pawsal kal ah umdan phalo tak (Numei leh Numei, Pawsal leh Pawsal ki etlana) ah khawsak uh a genna ahi. Numei leh Pawsal kal mat diklo na hi Pathian zakda mama ahi zing ah Thuthunglui ah Sodom leh Gomorrah chung a pathian lungnatna khale Numei leh Pawsal thanhuaina ziaik ahia, zia gual ma chun tu ah Pathian in a nungngat san na ziaik le, zia ma chu ahi kit ahi. Ziakiakchun, a gitlonau tawh kiguun ah Pathian in gawt ding ati ahi. Pathian in ei siam gual tak ah um nawp lona hi ama chung a gitlona liantak ahi dan ei zilti hi.

Ch. 28 : Pathian in a kihei mangsan, ati chu amau dawidan dan ah khawsak tak ziaik ua Pathian in a nutsia ahi dan a gen ahi. Pathian in kiheimang san maleh kumtuang dai dinga a nutsia ahi pua'n, gitlo sim ah ama kianglam a zawt kit theina dingua hun chawmkhat a ding ahi zawi. Ama kiang lam zuan kit te lamtua dingin Pathian chu a kisazo zing hi.

Zia gualachun, tulai gingtu te le Pathian in dawtel theina ei pechiat ah, zia chu eima Sia-leh-Pha hiatna a kingak sak ah, a phalo lam zuan ah i kalsuan chun, Pathian in ei kiheimangsan ding ahi dan ei kawkmua ahi.

*Ch. 29-31 : Pathian in a huat, Paul in a gente :*

- i). Diklona zosia : Pathian leh Mihing lam ah phatna neilo leh phat gawlote.
- ii). Tatsualna tinchengte : Midang suksiatna ding khawksakna neilo te.
- iii). Nunsiatna : Hindan phalo leh phatna bawl mawngmawng lo te.
- iv). Itsiknate : Mi phatna henuam lo leh mi thilnei huatna lungthim neite.
- v). Du-amnate : Mitmei ven neilo leh nei zawk diak tupna lungthim nei te.
- vi). Huaihapnate : Ama a ding bep gel ah midang ngaitua lote.
- vii). Tualthanate : Midang pawikhawi nawpna leh tualtha tiang ngam te.
- viii). Kinialnate : Mi elna ziaka kinial chingte.
- ix). Mitthep hatnate : Zua gen nate leh mi lamdik lo ah puimang nawp nate.
- x). Ki Dawha bawlnate : Ama phatchuamna dinga zuaugen leh mitthep mangte.
- xi). Kihouguk hatnate : Mi gensiatna mukphun leh kihouguk chingte.
- xii). Demhatnate : Mi phatna leh phatlona hitaleh mi demna ding hawl mawngmanwg te.
- xiii). Pathian huatnate : Pathian thu bangma ngailo leh ngainep tute.
- xiv). Musitnate : Mi simmaw leh huatna dimte.
- xv). Kiletsaknate : Mi bangma ngailo leh Pathian le launa neilo te.
- xvi). Uannate : A hina diktak sanga ama leh ama kingaisang leh kigen thupi te.
- xvii). Gitlo thil pandawk te : Gitlona chuam chuam bawl na a pantu leh ziltute.
- xviii). Nu-leh-Pa thu awilo nate : Grik te leh Rom te lak ah Nu-leh-Pa thuawi hi phatna sangtak ah ngai ahia, chuleh thusawmpiak ah, thuawi bep hilou chawihawi naklai ding ahidan a gen ah. Ziakiachun, Nu-leh-Pa thuawilo hi gitlona liantak ahi dan a gen hi.
- xix). Ngawlnate : Thilphalo bawl ah kipak mama, a tawpna thina ahi dan helou te.
- xx). Ginumlote : Pathian leh Mihing chung leh Sum-leh-Pai ah ginum loute.
- xxi). Lungthim beite : Mi ngaituana tawm, ahinla a lungthim a phalam ah mang loute.

## Zillai - 17

*Thupi : Khristian na tawh gam vaihawmte leh gingtute kigin zing ding..*

*Bible Simdi : Rom 13:1-14*

**Changvawp : Rom 13:12.**

**Thumapui** : Tuni i zil ding uhi, gingtute chu gamsung vaihawm tute vaihawm dan dan ah thunung taka khawsa dingte ahi dan uh a gen ahi. Vaihawmtu te chu gam-leh-gua enkawl dinga Pathian guat ahiziakua za ding, piak ding leh hi dinga thupiakte hi ding ahi dan a gen hi. Zia ban a chun kihepituana thil thupipen ahidan leh hun nunung lam ah ding ahiziakua kisazosa khrista ngak ding ahi dan uh a gen ahi.

**Tuni zil ding te :-**

1. Chunga thuneite thumatna (Ch. 1-7)
2. Kihepitua chiat ding (Ch. 8-10)
3. Dawtna kinkhawk (Ch. 11-14)

### **1. Chunga thuneite thumatna (Ch. 1-7).**

Zia chang sung hin gingtute gam vaihawmte thunuai ah umna chu Pathian thu ahidan a gen ah. Thuthunglui hun a khan Israel gam ah vaihawmte chu Pathian chitel Juda te ngen ahiziakua, vaihawmna chu Pathian thu tawh a chiakhawm sek ah. Ahinla, thuthungthak hun ahin, chanchinpha khawvel zosia gen ahitak ziaka Pathian helo vaihawmte lalna nuai ah um ahi tau ah. Gam vaihawm te tawh kilemna hawitak a neilo uh leh chanchinpha genthei lou ding ahiziak ua a thu nung dinga a gen ahi.

Paul in a lekthawt dang inle gamsung thuneite a dinga pauchap ding ahi dan uh a gen hi (ITim. 2:1-2). A genna ziak chu a hinkhua chanchinpha a genna Juda te sukgentheina laka hukdamtu chu Rom Sorkar thuneite ahi ban ah chanchinpha khanlet theina le amau ziak ahi a hiatziak ahi. Jesu khrist hung pian hun hile Rom sorkar in gamsung hawitak ah ala suktup laitak, chamna leh khantouna a um laitak ahia. Ziakiachun, Paul in "A hun Bi ahun tin phat in Jesu hung piang" (Gal. 4:4) ti'a gen in, Jesu pian hun hi vaimalo leh vaigei lo, ahun chet ahi ati ahi.

Paul in vaihawmtu thumat ding ati na ziak dang chu zia hun lai a Juda te laka gam-leh-nam ngaina kisa sorkar dou pawl a um ziak ua ahi. Zia lo a chun Zeolot Pawl te kiziltina a chun Pathian lo chu kuama lal dang

leh kipakpi ding leh a Da ni`u leh Dapi ah kisawmdawl tua ding te ahi dan uh a gen ahi.

*Ch. 16. Kituak takin um un,* ati chu gingtute chu lungthim munkhat pu, kilung gual taka khawsa ding te ahi ziaak ua a gen ahi. Kimudana leh Kidekna a um leh Kochuam ah masawna a umlo ziaka a gen le ahi.

*Ch. 16. Kingaisang lou ding,* ati chu pawlam ah dinmun sang nei hiziang leu le, zia dinmun chu Kochuam in lalut ki`u in, khrista a chun mi zosia kibang ahi ati ahi.

*Ch. 17. Thilphalo thuk lou ding,* ati chu migilou chu thilpa`n thuk le chin khatvei tei chu a chungala phatna kha a kisikna hi ding ahi ati ahi.

*Ch. 17. Mi zosia mu ah thilpha hawl un,* ati chu gingtute chu pawlam mite mu ah melpha taka a khawsak lou uh chun amau ziaka khrista melse thei ahi ziaak ahi.

*Ch. 18. Mi zosia tawh kicham un,* ati chu gingtute chu a gingtu chanpi teu leh khawvel ah mi zosia te tawh kicham leh kilem ding ahi ban ua chamna siamtu ding ahidan uh a gen ahi.

*Ch. 19. Phuba la ki`u inla, Pathian awtzaw`u in,* ati thu hi thuthunglui ah Deut. 32:35 na a gen ahia, ziaziakchun Phuba chu lalpa lak ding ahiziaka Phuba la ki`u in ati ahi. Phuba latu chu Pathian chungala sualna bawl ahi ati ahi.

*Ch. 20. La melma a gilkiel leh nek ding pia`n,* ti thu hi Thupil 25: 22-23 na kigen a gensawn ahia. A umzia chu a chungala phat lasuana chun ama suzakcha ding leh a kisikna siamtu hin a ati ahi.

*Ch. 21. Phatna`n gitlona thazaw ta`n,* ati chu gingtute chu nisin ah phatlona`n a hinnau suksiat gua`n Setan in them zing maleh, kithepzaw sak lo in Pathian thagau zal in thepnate phatna`n zou zel dingte ahi dan uh a gen ahi.

**Tuni zil dawte :-**

1. Pathian pawmtak dinga gingtute taksa leh thagau ah kilatding ahi dan..
2. Pathian thilpiak i dawn dungjui ah theitawp ah sep ding..
3. Bangkim ah eima bep ki-en lo ah midang te le ngaisak ding ahi dan..

xxii). Mi huhamte : Midang chungala khawksakna neilo ah gamta leh taksa utna piting dinga, Numei-Pawsal kal ah Thangtatte.

**Tuni zildawte :-**

1. Pathian dawidan sanga eima dawidan zuina chu mangthaina ahi dan.
2. Pathian thu hengal ah, zuiloute chu Pathian gawtna chang ding ahi dan.



**Zillai - 5**

**Thupi : Judate diklona.**  
**Bible Simdi : Rom 2:1-29**  
**Changvawp :Rom 2:7.**

**THUMAPUI :** Tuni i thuzil ding uhi, Judate gitlona chanchin a genna ahi. Jawlnei Amos in namdang te gitlona leh gawtna dingte a gen masa, zia zaw chun Israel te gitlona leh gawt dingdan a gen kit gual in, Paul inle Jentel te phatlona a gen masa(Bung khatna), ziazawchun Judate phatlona a genkit ahi.

**1. Pathian vaihawmna dik chu, (Ch. 1-16) :**

Zia chang sunghin Pathian chu khawvel pumpi ah vaihawmna dik ah vaihawm sek, migilo zosia thiamlo chansak ah gawtsek ahi dan a gen ah. A diak in, Pathian tak helo leh Dan neilo Jentel te chu a gawt sek hi. Zia gawtna te chu Jentel te a ding bep ah ngai in, Juda mi tamtak ten, a lungthim un Jentel te chu a thiammaw zing un, amau ahileh vang a kingaisang mamau hi. Amau chu Pathian namtel leh Dan kawltu pen in a kingai ui. Ahinla, amaule dan dungjui ah ahi diak lou ziaak un, khenchuam neilo Pathian chun Jentel te gual tho ah, gawt ding ahi dan a gen ahi.

*Ch. 1-3: Ziaziakchun, Aw Mihing,* ati chu mi zosia huap gual a gen himaleh chang 17na ah Juda te a tina ahi dan a chian ah. Bung khatna Jentel te kianga a gen kha theng in tu`n, Juda te kiang ah a gen kitna ahi. Ziaziakchun, ati chu juda te kiang ah Jentel te bawl gual ah, la bawl leh nangle Pathian vaihawmna tuaktho ding la hi a tina, a thupatna a mat ahi.

Zia hunlai ah Juda te lekha minthang tak pilna Bu (Book of Wisdom) a chun Judate chu Pathian in Jentel te sanga hepizaw leh gawtna mun ale amau ah nepdeu hi ah a kizilti nau a diklo dan Paul in a dawnhuna ahi. Paul in Pathian in gitlona nei phawt chu kuama khenchuam neilo ahi dan a gen hi.

Ch. 4-5, Pathian phatna puihuai leh a lungnatna ni : ati chu gitlo sim dinga Pathian dawtheina mihing te a ngak dan a gen na ahia. Umdan phalo takin um maleu, a phat kit uh kinem in Pathian in hepi takin a ngak zing dan a gen ahi. Ahinla, Pathian dawtheina hengal ah ngainep ahiu chun diktak ah avaihawm hun hungtung taleh, kikhel ding ahi dan a gen hi. Pathian lungnatna ni ati hi chu nitawp ni ah Pathian in a melmate leh a thumang lou te a gawtna ni ding a genna ahi.

Ch. 6-11, Pathian chun, mitin amau thilbawl dungjui ah dit ding, ati hi Juda te leh Jentel te chung ah nitawp ni ah Pathian in a vaihawm na ding, Thup. 22:12 na kigen, a gitung na ding a gen ahi. Pathian vaihawmna ni a chun, Pathian dawidan a hiat-leh-hiatlo uh chu, umzia a nei pua'n, a hiat dungjui ua Asep-leh-Seplo uh chu a tena phapen hi ding ahi. Pathian in Juda te chu hinthak ah hing ah nasep pha sem di'n a dawih ah, ahinla amau in ginna ziaka hukdam dinga kikawi ah thilpha bawl leh nasep ngai talou ah aki ngai uh chu, Paul in a tizawlo dan uh a gen hi. Paul in gingtu te chu ginna ziaka Pathian ah thiamchang ahiu ah, ahinla nasep in a zui ding ahi dan mun tamtak in a gen hi. Kua hitaleh, nitawp nileh thilpha bawl te chu Pathian hepina changin tin uh, thilphalou bawl te bou chu, Pathian lungnatna tuak ding ahiu ati ahi. Ziakiakchun, tulai Kochuam te le i hiatnau dungjui ah i sep uh a pawimaw dan ei kawkmua ahi.

Ch. 12-16, Dan dungjui ah vaihawm piak, ati chu Juda Dan neite leh Jentel Dan neilo te chung thu Pathian in ahi nau dungjui ah vaihawm piak ding ahi dan a gen ahi. Juda te Dan phatak Pathian in a pia, maleh zawm diak lou te chu tawh, Jentel te Dan neilo maleu, a lungthim ua sia-leh-pha hiatna a nei uh zawm ah thilpha bawl te a phatzawk na a gen hi. Ahinla, Dan neite leh Dan neilote hi ziang leu le Pathian in a chung ua, a vaihawmna ding chu Dan guala hite bep thiamchang ding ahi. Pathian chu kuama khenchuam neilo ahi ti ahi.

ngaisakna ziaka zangaina nei ding a gen ahi.

Zia a chung a thilpiak chuam chuam dawng te chun a dawn dungjui ah theitawp sua ah a sep chiat ding uh ahi dan Paul in a gen ahi.

## **2. Khristian teptena chu (Ch. 9-21).**

Zia chang sung hin gingtuten hepina dik nei a pawimaw dan leh pathian na kipumpiak tak ah sep ding ahidan a gen ah. Ziazawachun, khawsakna zosia ah midang te ngaikhawk ding, melmate chung tianga phatna sua ding te leh gitlona chu phatna zaw ding ahi dan a gen ahi.

Ch. 9. Hepina dawha panglo, ati chu Pathian in mihing te a hepi guala gingtu ten le a mihing chanpiu hepina dik ah hepi ding ahi dan a gen ahi. Pathian apat pawt hepina chu a dik in, a thiangtho ah, amabou Pathian apat pawt hilo hepina chun ama lawkna ding leh midang suksiat nawpna ahizaki in gingtu ten zia chu neilo ding ahi ati ahi.

Ch. 11. Unau hepina taktak nei un, ati chu gingtu zosia chu khrista thisan zal ah Unau khat leh sungkuan khat ahi tau ah, ziazakiakchun diktak ah ki hepi leh kizatua chiat ding ahiu ati ahi.

Ch. 11. Kilep hatlo, ati chu gingtute chu nasepna him him ah thada lo ah taima taka semding te ahi dan uh a gen ahia. A diak ah Lalpa na sepna zosia ah lalpa'n hatna apiak dungjui ah kipumpiak ah semding ahidan uh agen ahi.

Ch. 12. Kinepna lam ah kipak ding tileh thawkna lam ah thuakzo ding, ati chu Pathian in maljawlna a piak ding chu kinem taka, kipak pum ah ngak ding ahi dan uh a gen ahia. Zia ban a chun, haksatna bang gual um leh le ginum taka thawk ding, zia a thawk nau chu nitawp nileh a lopina ding uh ahi dan a gen ahi.

Ch. 13. Malzinte phataka zintun, ati chu Khristian te chu mi zosia chung a phatna suading te ahi zia kua ahi.

Ch. 14. A hun sugenthei te malzawl ah hansia lawlo, ati chu gingtute chu khrista dungsun dingte ahiu ah. Khrista'n le ama sugenthei te a malzawl gual in amau inle a su genthei te malzawl dinga a gen ahi. Mat. 5:44 na'n le melma te hepi ah a su genthei te pauchap piak ding ahidan uh a gen hi. Zia ban a chun, hanse law leh thilphalo paukam mat chu gingtute hindan ding ahilo dan a gen hi.

Ch. 15. Kipakte kipakpi leh Kapte Kapi, ati chu gingtute chu a mihing chanpiu teu ngaisak leh ngaikhawk ding te ahiu ah. Ziakiakchun, a kipak ni'u

Ch. 2. Khawvel dan guala umlo tileh lungthim siamthaka danglam, ati chu zia hunlai ah phatlona chuam chuam Pathian dawidan tawh kituaklo zosia apat ki kawithiangtho dinga a gen ahi. Zia phatlona te kha la nutsia sa'u ahi tan, zia sang a chun Pathian ah la lungthim teu siamthak in danglam na (Pianthakna) neizaw unla, Chutileh Pathian dawidan he'n la tiu in, zia chu Pathian pawmtak kithawina ahi ati ahi.

Ch. 3. Hepina piak ah ka umna zal in, ati chu Jesu khrist sawlchak hina thilpiak a chan, gingtute sukhatna a matchak dinga piak ah um a genna ahi.

Ch. 3. Ama hina khel ah kingaisang lou ding, ati chu Pathian thilpiak a chan uh a chapou pi khak ding uh a lau ah, a chan uh le a hinaw dungzui ah khawsa dinga a dawina a gen ahi. A hinaw sanga kingai thupi na chu Pathian chung a gitlona ahidan a gen zawm ah. Zia sanga a chun Pathian in hitheina a piak dungjui ah khawsak leh sep chu khantouna ahi dante, thilpiak loulam ah kalsuan lou ding ahidan teu leh thilpiak dungjui ah theitawp ah sem dingte ahi dan uh a gen ahi.

Ch. 5. Khrista taksa bak lakah pang, ati chu Pathian apat thilpiak chuamchuam a dawng ua, khrista chu a kungpi ahin, amau chu a bakte ahidan uh a gen ahi.

Ch. 6-8. Pathian thilpiak chuam chuam te :-

- (i). Thugen : Gingo mite kianga chanchinpha gen leh gingtute thagau ah chawpna lam a gen ahi.
- (ii). Nasem ding : Taksa leh thagau ah panpi ngaite panpina nasep a genna ahi. Etsakna : Meithaite, Nauchagate, migentheite leh piangsualte panpina lam.
- (iii). Zilsakna : Gingtute thugin haw leh taksa leh thagau ah khawsak ding dan a genna ahi.
- (iv). Mitilhat : Gingtute tun dinna leh suk thathona lama gen ahi.
- (v). Thilpiak : Sum-leh-Pai leh thil dang dang Pathian a ding ah piakte a gen ahi. Phal tak ah piak chu lalpa kipakna ahi zia kah phal tak ah piak ding ahi ati ahi.
- (vi). Lawi upa ding : Kochuam mipi chung a vaihawm dinga Pathian in a guat te chun taima taka sem hen ati ahi.
- (vii). Zangaina taklang ding : A pianken ah midang te hepi theina leh zangai theina a nei mai hilou in, khrista apat hepina dawnga mi dang

Paul in a gennawp chu :-

- i). Juda ten Dan thupiak hawitak a nei zia kun midang sangin Pathian dawidan a hethei ua, zia Dan a hiat teu chu mangin a chungchang uh Pathian in vaihawm piak ding ahi.
- ii). Jentel Dan thupiak neilo te kianga sia-leh-pha hiatna Dan a piak ahia, zia Dan ma chu mangin Pathian in a chungua vaihawm ding ahi.

## 2. Juda te leh Dan (Ch. 17-29),

Zia chang sung ahin, Juda te chu Dan hawitak nei ahiu ah, zia laka chun zektan thupiak hawitak le pang ahi dan a gen hi. Ahinla, Dan gual a amau in bawl diaklo ah midang a awimaw sek uh chu bawlkhial ahi dan uh Paul in a gen hi. Dan thu zawm diak lou ah, zektan a phatchuam lou dan a gen ah, zektan ahi tawh dungjui un, Dan thu te chu a zawp ding uh ahi dan a gen hi. Taksa pawlam ah Juda mi kahi ti ah Dan zawm diak lou chu Juda mitak ahi pua'n, sunggil lam ah a Dan zawm te zawk chu Juda mi diktak ahi ati ahi.

Ch. 17-18, Nang Juda mi, ama lunglam he, ati chu Juda te Pathian namtel ahiu ah, Thuthunglui apat Thuthungthak tianga ama tawh kipawl ah Dan a piak te ahiu ah. Ziakziakchun, Nam dang sanga amau chu Pathian lungthim leh dawidan he ahiu ati ahi.

C. 19-24, Nangma thim ah umte salvak tu chun Pathian chu la su minsia ta, ati chu Juda te chu Pathian tak helou Jentel te kianga pathian diktak hou dinga hiltu ding, Pathian Dan thute kawkmuh ah pathian thu gual a khawsa ding ah lampi hiltu dinga a guat ahi dan uh a gen ahi. Juda te chun, Pathian guat dungjui in Jentel te chu lamdik chu a kawkmuh ngei un, ahinla amau le a Awimaw teu gualah a khawsak tho zia kun, Paul in Juda te thiammaw a chan ah. Pathian tak hia ah kingai ah, Pathian helou te gual a la um uh chun, la Pathian hiat uh chu a phachuam pua'n, a min chu la suminse zawu ati ahi. Tulai gingtute te le eima i hawi-leh-ihawilo na chun i Pathian chu i chawisang thei leh i sukminsiat thei dan ei kawkmuh ahi.

Ch. 27, Zektanlo in Dan zuikim zaw ah Dan nei ah Dan bawtsepa hunkal, ati a umzia chu zektanlou pan a siat-leh-pha hiatna dan mangcha pathian dan a zui bukim leh zektan te guala ngai ahia. Ahinla, zektan pan Pathian Dan a zui diak lou chun, zektanlou pa chun zektan pa chu la zektan hina chu a phachuam puai ti ding ahi a tina ahi.

Ch. 28-29, *Pawlam mai ah zektan hilo, Thagau ah zektan*, ti umzia chu Juda nam hina zal ah pawlam teptena zektan, ahinla Pathian Dan thute zawm diaklou leh Pathian tawh kipawl lou te chu pawlam mai ah zektan ahiu ati ahi. Juda te chu Pathian in Dan a piak te phatak ah zawm ah ama tawh kipawl dinga thagau ah zektan hi ding ahi dan uh a gen ah. Thagau ah Zektan te chu, mihing ten chawihawi lou leu le, Pathian in a chawihawi zing ah, a ziak chu Pathian dan thupiak te phatakcha zawmtu ahi sek zia kuh ahi ati ahi. Tulai gingtu te le pawlam latdan mai leh mihing te mai ah melpha ding mai hawl lou ah sunggil lam takna tawh Pathian na sem ding i hi dan uh ei kawkmua ahi.

**Tuni thuzil dawte :-**

1. Mite phatlona bep mu leh awimaw, ahinla eima phatlo na muthei lou chu Pathian ma ah gitlona ahi dan..
2. Nitawp ni leh i thil hi dungjui ah Pathian in ei vaihawm khum ding ahi dan.



**Zillai - 6**

*Thupi : Kuama mipha umlou.*

*Bible Simdi : Rom 3:1-31*

*Changvawp : Rom 3: 24.*

**Thumapui :** Tuni i zil ding uhi, Paul in Juda te Dan hawitak ah zuite Pathian in malsawm diaklo ding a diam, ti dawtna te a dawnhuna ahi. Paul hi a khualzinna Juda upa te tawh kinial sek hi ding ahia, zia a kinial nau ah, a dawnhu dan te a zik hi din le ginchak ahi. Chuleh, Khawvel ah mi zosia Pathian lunghawl umlo ziaka Pathian ma ah thiamchang a umlo thu te, Dan panglo ah Khrista ginna ziaka hukdamna thute leh Juda leh Jentel te Pathian pakhat neikhawm ahi dan a gen ahi.

**Tuni zil ding thupi te :-**

1. Juda hina phatchuamna leh Paul dawnhuna (3:1-8).
2. Kuama thiamchang umlo (3:9-20).
3. Ginna ziaka thiamchanna (3:21-31).

**Zillai - 16**

*Thupi : Pathian thagau ah nasepna thak.*

*Bible Simdi : Rom 12:1-21*

*Changvawp : Rom 12:21.*

**Thumapui :** Tuni i zil ding uhi nisin ah khristian te hindan ding a gen ah. Abul pen a chun Pathian thagau ah hinna thak nei ding, Pathian ah thilpiak chuam chuam a dawn teu mat dik ding, leh hepina diktak nei ah a mihing chanpi teu chung a bangkim ah phatna sua dingte ahidan uh a gen ahi. Grik te leh Juda ten hindan pha a ki ziltill nau a chun “zia dan hi zui inla, chutileh hing inla” atiu ah. Ahinla, Paul in chanchinpha ah hing masa’n la, a zaw leh zia dan te chu zui in ati ahi. Chanchinpha chu bangkim ah a masapen ding ahi dan a gen ahi.

**Tuni zilding thupi te :**

1. Khrista ah hinna thak (Ch. 1-8)
2. Khristian tepte na chu (Ch. 9-21).

**1. Khrista ah hinnathak (Ch. 1-8).**

Zia chang sung hin Pathian a dinga taksa leh thagau ah kilan ah khawvel chawndan zuilo ding ahi danteu leh thilpiak a dawn dungzui ua, Pathian na theitawp ah sem ding ahi dan uh a gen ahi.

*Ch. 1. Kithawina hing leh thiango,* ati chu Dan nuai ah khawsak lai ah maicham ah kithawi kha hita lo in, thuthungthak hun ah damzing a taksa leh thagau ah Pathian kianga kilatna a gen ahi. Kithoina zosia Pathian in a pawm ziang pua, ama dawidan tawh kituak ah lunggil ah thiango leh kingai tawm te bep chu aman a dawnhu sek ah, zia chu kithawina hing ti chu ahi. Zia guala kithawina hinga kithawi ding a chun, Paul in Kochuam te a phut ahi.

*Ch. 1. La taksa ’u chu kilan ding in ka dawn,* ati chu malai ah kithawina chu gancha lat ah kithawina ahia, ahinla tuhun ah kithawina chu taksa pumpi kilatna ahitak dan a gen ahi. Zia kilatna chun a huap chu nisin ah Pathian dawidan ah taksa bak zosia mat ding ahi dan a gen ahi.

*Ch. 1. Thagau lam ah la biakna dan ding uh,* ati chu taksa pumpi leh thagau zosia Pathian ah lan chuga Pathian paklasakte, a thu thiango gen te leh pauchapna neite a genna ahi.

Ch. 36. Ama ah kipat thil zosia hung um, ati chu Juda te leh Jentel te chung a thiltung zosia chu Pathian vaihawmna a kipat pawt leh um ahi dan a gen ahi. Pathian in Judate leh Jentel te chu thiamlo a chan gelgel ah, ahinla a tawplam leh a zangaina ziaka hukdamna a siam piak kit zel sek ah. Zia haw zosia chu Paul in a ngaitua leh Pathian chu vaihawm thiam a san, kumtuang a chawihawi tak ahidan gen in Amen (*zia gual tak chu um hen*) ti paukam in a phasak dan a gen ahi.

**Tuni zil dawte :-**

1. Pathian lam ah i hapan lou leh ei sanga gingthak tenle ei del khel thei ahi dan..
2. Gingtute chu pathian thuguk enkawltu te i hi dan uh..
3. Pathian a kipat thil zosia hung kipan ahiziak ah ama lunghawl zing..



**1. Juda hina patchuamna leh Paul dawnhuna, (3:1-8)** Zia chang sung hin Juda te Pathian Dan zui ah khawsate Jentel te tawh hukdamna lampi dinmun kibang ahiu leh Juda hi chu bang patchuamna a nei diak em? ti Judapa dawtna Paul dawnhuna thu ahi. A kiholim nau a nuai ahin vak en hitiu.

**Ch. 1-2. Juda Pa :** Juda mi hi ah zektan hin Pathian a suklung awilo chun, Juda hi chun bang patchuamna a nei em?

**Paul :** Juda mi hi chu a phachuam mama hi. Pathian in mi zosia kianga a thu a puanlo, Juda te kiang bep ah a puan leh a vawpsak chu a chungnun nau ahia. Pathian namtel ahi ban ua Pathian thu kawltu pen ahiu ah, Juda dan zawp na chun hukdam theilo maleh nam dangte hukdamna lampi kawkmute ahiu ati ahi.

Ch. 3-4. **Juda Pa :** Ahileh, Juda khenkhat te ginumlo leu bang a phachuam diam? A ginlo nau chun, Pathian ginumna chu bangma lou a suksak diam?.

**Paul :** Hinai sailo e!, mi zosia zuauthei leule pathian chu a thutiam ah ginum zing leh dik ahizia, Pathian thu'n a gen hi. Sam 51:4 na - "La thugen in nang thiam ahun chansak ah, vaihawmna la zaw theina dingin" ati ahi. (Zia thu umzia chu Pathian apat pawt thu zosia chu a dik ah, thiammawna ding a um pua, vaihawmna le demna ding umlo leh zawlo ding umlo ahidan a gen ahi).

Ch. 5-6. **Juda Pa :** Ahileh eimau diklona hin Pathian dikna a suklat nakleh, Pathian in phuba alak sek hi a diklo ahem leh?

**Paul :** Himaizen lou e!, chutileh vaihawmna dik chu lang thei ding ahem? Pathian dik chun diktak ah vaihawm in mi diklote chung a phuba a lak zel hi a dikna a taklat na ahi, ati ahi.

Ch. 7-8. **Juda Pa :** Himaleh, ka thil hikhial na'n Pathian dikna a latsak tam zawk chun, gitlo ziaka hek leh gensiat sangin thil phalo bawl zaw leng a khawkna a um em?

**Paul :** Zia gual ngaidan neite chu Pathian chung a gitlo bawl ahiu a, thiamlo chansak ah gawt ding ahiu, ati ahi. (*Zia dawtna chu hawi taka dawnhu nuam lo hileh a kilawm hi*).

**2. Kuama thiamchang umlo (Ch. 9-20).**

Zia chang sung hin, khawvel ah mi zosia gitlona dim ahi dan a gen ah, a bullam ah Juda pa tawh a kihoulim na'u kha chia zawm zel ahi.

Ch. 9-18 : **Juda Pa :** Ahileh, Jentelte sanga Judate chu ka phazaw'u hilo



maw?

**Paul**: Pathian ang ah kuama a pha a um lo dan masang a khan le i gen zou tau ah, zia hilchian na ding a chun Bible thu ngaitha' i tiu, a ti'n. Mihing te kuama Pathian hawl a um lo dan Sam 14:1-3(ch. 10-12), 5:9(ch. 13), Isai 59:7-8(ch. 14:17), Sam 36:1(ch. 18) na thute a gen pi hi.

**Mihing te gitlona Paul in a gen tangpi te chu-**

- (a). Hiding hilo leh hilo ding ahiziak ua gilou ahiau.
- (b). A paukam ua gilou ahiau.
- (c). A ngaitua nau leh a lunggel ua gitlo ahiau.
- (d). Pathian lam lungthim putdan diklo ziaka gitlo ahiau.

**3. Ginna ziaka thiam channa, (Ch. 21-31).** Paul in a malam a khan mi zosia Pathian ma dan ah thiamchang zou ding a um lo dan a gen ah. Ahinla, zia chang apat hin chanchin kipak um tak Khrist ginna ziaka thiam channa thu a genna ahi.

**Ch. 21. Himaleh tuhin vang,** ati chu dan masa hitalo in ngaidan thak leh thuthak ahung um thu a gen patna ahi. Thu masa lam a khan, Pathian kianga thiam channa thu a um pua'n, ahinla chanchinpha ziaka thiam channa a um dan gen pan ding kisa ahi zia ahi.

**Ch. 21. Dan leh Jawlneite,** ati chu Mosia Dan Lekhabu panga ah Pathian thupiak kigente leh thuthunglui hunlai ah Jawlnei te haw a genna ahi.

**Ch. 22. Pathian dikna suklat,** ti chu pathian chu dikna Pathian ahi dan te leh Pathian hukdamna migilo in Khrist a gin ziaka a hinkhua a chanchinpha hung lang daw k a genna ahi. Tulai gingtute le Pathian mizia leh Khrista mizia chuamchuam te chu i hinna'u ah um ding leh langdaw k ding ahi dan ei kaw kmu ahi.

**Ch. 23. Pathian lopina changzo talo,** ati chu mihing te chu Pathian melmu siam ahia, ahinla a lopina kikawppi te chu Eden gitlona zia kin a lopina'u a matsua tak thu Paul in a gen ahi.

**Ch. 24. A thawn ah thiam chansak,** ati chu Mosia Dan kuama pathian ang ah tingzo um talou, Pathian lungnatna mihing te chung a umzing sukbeina dinga khrist in a thisan in, aman bei in a hung tan ah, Pathian ang a thiam a chansak na thu a gen ahi.

**Ch. 25. Gitlo thupha chawina,** ati chu ki thawina manga gitlo nawimangna leh ngaidamna, thuthunglui lai ah kibawl te a genna ahia. Mi zosia gitlo

zosia'n a gitlonau sim intin uh, chanchinpha a nawl uh kha kisik in hung pawm kit intiu in, zia phat chuleh pathian in a gitlonau ngaidam in a leng un hukhing ta ding ahiau ati ahi. **Jakob apat gitlona lakmang** atina zia k chu Jakob chu Israel te suantu leh taksa leh thagau ah pa masa ahia, ziaziakchun Israel mite zosia thasang ah palai ah amat ahi. Israel te apat gitlona lakmang ti tawh kibang ah ngai ding ahi.

**Ch. 28-29. Chanchinpha lam ah Juda te pathian melma,** ati chu Juda ten a lalpa'u Jesu khrist leh chanchinpha a pawmlo zia kua Pathian mite himaleu ama tawh kido leh kimelma phawt ah a gen ahi. Pathian namtel hina lam invang a hinau chu sukbei thei ahilodan a gen zawm ah. Chanchinpha ahun pawm kit hun uh leh vang Pathian melma ahinau bei in, Pathian chate hikit tho ding ahi.

**Ch. 30-31. Jentel Pathian ginglo te, tu'n Pathian zangaina chang tileh Juda te ginglo hizaw ta,** ati umzia chu malai ah Jentel te a thim ua, Juda te chu a vak ua, ahinla tuhin Judate'n chanchinpha a pawmlo zia kua a thim tau ah, Jentel te bou chu a vak zaw tau ati ahi. Tulai tak dinmun hin Juda te sangin nang uh Jentel chu la vangpha zawu ati ahi.

**Ch. 32. Pathian in mi zosia thumatlona khum,** ati chu Juda te leh jentel te zosia Pathian thumang, kuama um talo ahi dan a gen ahi. Ahinla, pathian lemkuatna lampang a chun a zangaina alat theina dinga Pathian in mi zosia chu a thumat losak ahi ati ahi.

**Ch. 33. pathian pilna hauzia leh hiatna thukzia,** ati chu Juda te leh Jentel te chung a Pathian vaihawmna leh thil tung a ngaitua leh Pathian lemkuatna pha asak dan a gen ahi. Pathian vaihawmna zosia hi tuni tiang hin a dik in a pha bukim zinga, a vaihawmnate le lunggil taka ngaitua tute chun a thukdan leh a phatdan a mudaw k sek ui. Chutichun, Pathian lemkuatna zosia hi pha bukim sek ahiziakin a chaten a thupiak zui ding chu i mawpuaknau ahi.

**Ch. 34-35. Lalpa lunggil kua'n he tileh mukit dinga thilpiak pesek,** ati thu te hi thuthunglui ah Jawlnei Isai leh Job thugen a gensawn ahi (Isai 40:13-14, Job 41:11). A gennawp chu ahileh Pathian lunggel leh ngaituana chu khawvel mite hiatphak lou ahi ban ah mite chung ah Asia-Apha a tunsak phat ding leh le kuama dawng ngailo ah vaihawm ahi dan a gen ahi. Pathian in mi a malsawm phat tak leh le mihing te guala mukit ding kinepna ziaka a piak ahi pua'n, a thawn ah a hepina zal liau liau ah a malsawm sek ahi.



**Zillai - 15**

*Thupi : Israel te zosia Hukdamna.*

*Bible Simdi : Rom 11:25-36*

*Changvawp : Rom 11:33.*

**Thumapui** : Tuni i zil ding uhi, Jentel te hukdam a hi masia Israel te Lalpa'n a mutheilona ding ua a mit uh sukthum piak ahidan leh Jentel te hukdam zaw phat leh Lalpa mukit bep ding ahidan uh a gen ahi. Israel te Lalpa melhiat te himaleu chanchinpha a pawmlou ziak un, Pathian melma ahitau ah. Jentel te Pathian melhiatlo himaleu chanchinpha a pawm ziakua Pathian melhiat ahizawk dan teu a gen ah. Zia haw zosia chu Pathian lemkuat vek ahia, kuama hiatzaw ding gual ahilo ziaka a lemkuatna chungga lungawi ding te ahi dan uh a gen ahi.

**Tuni zilding thupi te :**

**1. Israel te zosia hukhin hi ding ahieu (Ch. 25-36).**

*Ch. 25. Thuguk helou ah la um ding uh ka dawu puai,* ati chu thu pawimaw, a chuam deu ah ahilnawp thu a genna ahi. Thuguk ti paukam hi Paul in a mang tam mama ah (IKor. 2:7, 4:1, Kol. 1:26). Amatna tangpi chu khrista chanchinpha khawvel pilna leh thiamna mutheilo, Pathian thagau in Kochuam te kianga a hiatsak a genna ahi pen hi. Thuguk ti chu a guk ah gingtuten vawp ding ti lampang hilo in, nidanga puandawlo himaleh hun nunung ah puandaw ah um tina lam ahi. Ahinla, zia changa Paul in Thuguk ati hi chu, Juda te ginlona sukbei ahi ah, chanchinpha ahung pawm kit ua pathian lam ah a kilekit ding chungchang uh a genna ahi.

*Ch. 25. Jentel te bukimna,* ati hi Jesu khrista a mithiangtho te lakhawm ah ahung niding, mithiangtho te laklawk (Rapture) hun ding genna ahi. Jesu'n gam chanchinpha nam zosia kianga genzaw ahi phat leh, tawpna tung ding ahi ati kha tawh ki bang ahi (Mt. 24:14). Zia mithiangtho te lak hun ahin Jentel te leh Juda te Jesu khrista pawm zosia hukdam in um inau. Zia zaw chuleh, Juda te hunbik (Jentel te huaplo) hun kipan ding ahitak ziak ah, zia tun ma chu Jentel te bukimna (Jentel te lutkim hun) Paul in ati ahi.

*Ch. 26-27. Israel zosia hukhin ding tileh Jakob apat gitlona lakmang ding,* ti thu hi Jawlnei ten Israel te hukhin ah aum ding dan uh a gen, Paul in a gensawn ahi. (Isai 59:20, Jer. 31:34). Hun nunung lam leh Israel te

kithawina thillat sikin Jesu'n a taksa kros ah a latna chu pathian kianga thupha chawina ahi. Zia chu Pathian in a pawm ah, mi zosia tawh Pathian chu a kicham thei ta ahi.

*Ch. 27-28. Kisuanna leh ginna ziak zaw,* ati chu Juda ten Mosia Dan hawitak ah a zawm ua, pathian ang ah thiamchang dinga a ki ginchat nau a genna ahi. Ahinla, Thuthungthak Dan a chun, thil hi te chun panna a nei pua'n, khrist ginna ziak bep ah thiamchan thei ahi tak zia kin kuama a kisuang thei puau, ati ahi.

*Ch. 31. Dan chu i sudetzawu,* ati chu Khrista ah ginna nei te chun thuthunglui ah Dan te kha a hinkhua'u in a zui tau ah. Jesu khrista a chun Mosia Dan leh Jawlnei te Dan zosia chu a bukim ah, zia a bukimna etsakna ding a chun meldanglamna Tang a khan le Mosia (*Dan zosia thasang*) leh Elijah (Jawlnei zosia thasang) Jesu khrista kiangan mawpuakna a piaktak Dan uh mu ahi, (*Mat. 17:1-4*). Ziakiachun, Jesu khrist ah ginna ngak chu, Dan zosia zawpna leh sukdetna ahi ati ahi.

**Tuni zildawte :-**

1. Dan zawpna hi Pathian lam ah ei kainaitu ahi dan te..
2. Pathian mizia chu gingtute hinkhua kilang di ahi dan te..
3. Jesu khrist ah ginna ngak chu dan zaw bukimna ahi dan..



## Zillai - 7

**Thupi : Thuthunglui apat Ginna etsakna.**

**Bible Simdi : Rom 4:1-25**

**Changvawp : Rom 4:7.**

**Thumapui :** Tuni i zil ding uh hi juda te leh Jentel te a di'n Abraham chu ginna ettawn ding ahi dan a gen ah, Pathian in Abraham kianga thu ala tiam te kha kum tamtak nunga guitung bep ahia. Pathian thutep te atunkim masia gunchu takin, a ngak ah, a tawp in angak dawkhawng ta ahi. Pathian ah ginna dettak a nei zia chun ama chu Ginna pa ti ah um ahi dante leh mi zosia le Abraham ginna gual ah Pathian ging ding ihi dan uh a gen hi.

**Tuni zilding Thupite :-**

1. Ginna ettawn tak Abraham, (Ch. 1-11)
2. Ginna zia ka thutiam channa, (Ch. 13-25).

### **1. Ginna ettawn tak Abraham, (Ch. 1-11)**

Zia chang sung hin Abraham chu Dan a zawp zia leh a thilhi zia ka pathian in midik ah a ngai lou dan leh a ginna zia ka midik ah ngai ahi zawk dan a gen ah. Abraham ginna chu mi zosia ettawn ding a Pathian in a guat ahi dan a gen hi.

**Ch. 2. Ama thilhi zia khileh kisuang ding.** ati umzia chu Dan a zawp zia leh a nasep zia khileh a hatna kha suang ding ahia. Ahinla, Pathian ma suang ding bangma a nei pua'n, thilhi zia ka thiamchang ahi puai ati ahi.

**Ch. 3. Abraham in Pathian a ginna a dikna ngai,** ti chu Pathian in Abraham a Inn-leh-Lou, Alawi-leh-Pai, A Innsung mite leh a chenna gam pawtsan ding a kou a khan aman le nial lou in a pawt dawngal ah. Hebrai Lekhathawt zia ktu chun, "a chiana ding lam le helo in a pawt" ati ahi, (Heb. 11:8). Abraham in Pathian a koudawk pa chu bangkim ah muang ngam in a hinna lan dawngal in a zui ngam ah, zia a gin ngamna tak kha Pathian in a dikna a ngai ahi ati ahi.

**Ch. 4-5. Nasemte law kipia leh ama ah ginna ngate a dik ah ngai,** ati umzia chu mikhat in a nasep man Sum a lawdaw kipia a genna ahia. Zia kipia chu hepina zia ka kipia le ahi diak pua, a thawn ah piak le ahi diak puai, a nasep man ahi ati. Ahinla, min Pathian a lunggil sunga a gin chun, Pathian in zia ginna neite chu midik in a ngai sek hi. Sep-leh-Bawl zia ka

intiu in, zia phatchuleh a chung ua Pathian lungnatna chu beita ding ahi.

**Ch. 16-18. Ga masa guala Changbuang kilan, tileh nang gam Olive,** ati chu Juda te chu ga masa Changbuang, Israel ten alatsek uh tawh a tekhin ahi (Num. 15:19-21). A gennawp chu Juda te chu mi masa ahiu ah, amau a thiangtho uh leh a nungjui Jentel te le thiangtho in tiu in, a thianguou ua Pathian in a gawt leh jentel te le gawtttho ding ahi dan a gen ahi. Gam Olive ati chu Jentel te atina ahia, amau chu Pathian bak Juda te apat zawp maimai ahiu ati ahi. Zia zia kchun, a bulpi'u Juda te chung ah kisatheilou dinga a genna ahi.

**Ch. 21. Pathian chun a baktak te a hawilou leh nangle hawi diak pua'na,** ati chu Pathian in a namtel ngawingawi Juda te le a gitlo nau ah, gawtsek pa chun nang Jentel pathian nemtel le hilou chu, ama mitmu ah gitlo la bawl ahileh Juda te guala hung gawt ngamlou dinga ki gingcha kin ati na ahi. Pathian in a namtel bawn nasatak ah gawtsek ahileh a namtel lou te vang nasazaw diaka gawt ding ahi dan agen ahi.

**Ch. 22. Pathian lau umdan leh phatna te ngaitua in,** ati chu pathian chu ama thumang lou chung ah, a lungnat puang dawngal sek ah, a hepi mama amite gawt leh sugenthei sek ahiziaka alau um dan a gen ahi. Zia gual Pathian chu ahiziakin, nang uh Jentel ten le la vangphatna teu ngaitua unla, ama dawngal bep in khawsa ta un, ati ahi. Tulai Kochuam ten le eimau chung chiat ah Pathian phatna te ngaitua ah ama dawngal ah khawsak ding ei kawkmua ahi. A chutilou ah, a malsawm na i dawn teu zia ka ama i hiatmil chun, ama gawtna chu tuak ngei ding i hui.

**Ch. 23. Israel te chu Pathian ginglou ah aum zinglo nak uleh ama'n zawp kit ding,** ati chu Israel te chu Pathian ma'h a bawl khial nau apat gitlo sim ah kilekit ah chanchinpha a pawm uh chun, Pathian in tungding kit ah Jentel te sanga malsawm zaw ding leh kizawpna hawizaw nei ding ahi dan a gen ahi.

**Tuni zildaw te :-**

1. Ei uh Jentel te chung a Pathian phatna te hiat ah, ama dawngal zui a pawimaw dan..
2. Pathian chu a mite ahikhialnau apat a kilekit uh leh ngaidamtu ahidan ei ziltitl..

a mitel Juda te chu gitlo maleu le paitha den puan ti'n, khang masa bei maleh khangthak ama dawidan zuitu ding umzel dingchu Pathian lemguat ahi ati ahi.

Ch. 7. Israel ten a hawl uh mulou ti leh tel te vang chun a mu'u, ti chu Israel te'n Messiah khrist thuthunglui apat ala thil ua, a hung phat leh Israel lalgam phudet dinga a kinep uh a ngala'u himaleh, a hung phat ah a muthei lou dan uh a gen ahi. Jesu khrist thi nung kochuam din tiang inle, chanchinpha pawmlou Juda tamtak a um nalai ua, ama khrista muchian tu chu mi tawmcha ahi dan uh a gen ahi. Ama mu tute chu pathian in a teldaw leh guatlawk ah a gen ahi.

Ch. 8-10. Pathian in mutheilo na mit pia ti leh amau dinga thang leh pal, ati thu hi thuthunglui lam ah, Sam 69:22-23, Deut. 29:4 leh Isai 6:9-10, 29:10 na kigente Paul in a gensawn kit ahi. Paul in a gennawp chu Juda ten Jesu khrist amu theilo nau chu, Pathian in a mit uh a thumsak ahi. Zia chu Jentel te a dinga Hukdamna lopitak ahi zing lai ah, Juda te di'n vang Thang-leh-Pal ahi dan a gen ahi.

Ch. 11-13. Amau puk nau chu Jentel te Hukdamna leh Hausakna, ati chu Juda te'n chanchinpha a pawm lou zia ah, Pathian hansia a dawnna thu'u a gen ahi. Ahinla, amau mulouna chu Jentelte vangphatna ahung hi zaw ta ahi. Pathian in Jentelte chu Taksa-leh-Thagau ah malzawl pan in a hung siam lian ta, zia malzawl na a chan uh chu, Juda ten amukit phat un a mithip ui ati ahi. Nitawpni ah Judate Hukdamna ni a hungtun phat leh Jentel tele Hukdam ah um ding ahi zia ah, thupi diak in'au ati ahi.

Ch. 14. Ka Chipite ka mitthip sak ah, khenkhat ka hukhin theina dingin, ati umzia chu jentel Pathian in nasatak ah a malzawl ah, zia chu Juda ten a mu'u ah, a mitthip ua, zia pat chun amau le kisik ah chanchinpha a pawm ua, Pathian dawidan hawl leu ati ahi. Chutichun, Judate chu ahinnau leh a thagau uh mangthai dingte chu hukhing in umthei ding ahidan agen ahi.

Ch. 15. Amau haw pampai ah umna Khawvel kituak theina ti leh amau kilawplut kitna, ati chu Juda Pathian namtel te a sukkhialna zia kua, Juda te leh Jentel te (Pathian leh Juda te melma te) chanchinpha huangkhat ah um ah, kituakte a genna ahi. Amau kilawplut kitna ati chu, Judaten a Lalpa'u Messiah, a Lal ua ahung pawm ni'u athupi dingdan a gen ahi. Hun nunung lam leh Judate zosia'n Khrista ala nawlnau ah kisik in pawm kit

pathian ma thiamchang hilo in ama ah ginna nei zia ah zawn thiamchanna a um hi ati ahi.

Ch. 6-8. Pathian in ahi khialna'u a ngaidam te, ati thu hi Sam 32:1-2 na David in ala gen, agensawn kit ahi. Pathian chu mi zosia chung a vaihawm, mi gilote a gitlona'u dungjui ah gawtsek ahi zing ah. Ahinla, gitlona nei leule, aman a ngaidam te chu gawtna pumpel ahi zia ah, mi vangpha chungchuang ahi dan uh David in ala gen ahi. Paul in zia thu te chu la sawn in, mi zosia nasep zia ka pathian ma tingzou a um pua'n, ahinla ama ah ginna neite chu Pathian im midik ah a ngai leh a gitlonau a ngaidam ahi zia kin mi vangpha ahiu ati ahi. Tulai Kochuam te le eima pathian ma midik ah i ki ngaina mai kha thiamchanna ahi pua'n, Pathian in i gitlona te ei ngaidam gingtu i hi leh mi vangpha hi ding i hi dan uh ei kawkmua ahi.

Ch. 11-12. Gingtu zosia te pa Abraham, atina chu Juda te a di'n ama chu Isreal nam phudaw tu leh kipatna ahia. Ama apat in Israel nam chu khawvel hiat in ahung khanglian in, nam piting khat a suak ah. Zia zia ah, ama chu Israel te a di'n taksa leh thagau bep hilo, Abraham ginna nei guala Jentel te lak ah, ginna nei ta phawt te a ding inle, ama chu Pa ahi tho ah, zia zia ah, Abraham chu gingtu zosia te Pa ahi ati ahi.

**2. Ginna zia ka thutiam channa, (Ch. 13-25).** Zia chang sung hin Abraham kianga thutiam lopitak hungte kha Dan zia ka hung tung hilo in, ginna zia ahi zawk dan a gen ah. Ama nung ah Pathian ah ginna zia ah a thutiam dawng leh chang tu zosia te Pa ahi theina dinga Pathian in a piak ahi atia. Abraham in mithi te suhingtu Pathian a ginna chu khristian te a dinga etsakna hawitak ahi dan a gen ahi.

Ch. 13. Abraham leh a Suante Golua ding thutiam ginna zia, ati chu Pathian in Abraham kianga Golua ding thu atiam ah, zia Golua ding chu Abraham in Dan a zawp zaw zia ka Pathian in a kianga a tiam ahi pua'n, a ginna zia ka midik ah ngai ahi tak zia ka Golua ding thutiam chu chang ahi. Chun, zia gual a chun, ginna zia ka midik zosia chun Golua ding thutiam chu chang ding ahiu ati ahi.

Ch. 15. Dan umlona bawsiatna umlo, ati chu Dan chu pathian dawidan puanna ahia, Dan apat in Pathian dawidan a hiatthei ah, gitlona piang i hi zia ka um migilo i hi dan uh ei kawkmua ah, ahinla Dan umlona chun Bawsiatna hiattheina ding a um puai ati ahi.

*Ch. 15. Dan chu lungnatna supung,* ati chu Dan chun mihing te thilpha bawl ding thu apia, zia thilpha bawl na chu Pathian tawh kichamna leh Pathian lungsiatna a dawn nau ahi. Ahinla, min Dan chu khawksa lou ah, thil phalo a bawl chun, Pathian lungnatna a chung ah tung intin, gawt ah um ding ahi ati ahi.

*Ch. 16. Hepina zia ti leh Abraham ginna kikawppi te,* ati chu Hepina, mihing nasep zia k hilo, Pathian hepina leh zangaina liau liau a chate chung a latsak sek genna ahia. Abraham ginna kikawppi te ati chu khawvel ah mi zosia (Juda leh Jentel) te, Abraham in Pathian a gin gual a ginna dettak neite chu Abraham ginna kikawppi ahi ati ahi.

*Ch. 17. Pathian in Mithi a kaithaw,* ati chu Abraham Zi Sarah chu Cha-leh-Nau hinna ding a Numei hina bei ah upa ta, Pathian in chapa Isak a neisak kit thu a gen ahi.

*Ch. 20. Ginna tasam in a ginglel diak pua 'n,* ati chu Pathian in Abraham kianga a thutiam a guitun ma Abraham ginna a det dan a genna ahi. Pathian in Suan lopitak ah siam ding a tiam a khan a zi Sarah chu tek tak ahi ta'n, himaleh Abraham in a tiamtu Pathian chu bangkim bawlthei ahi a taksan zia k in a lung a thuai diak puai. Pathian a taksan dungjui in kum tamtak nung in a thutiam te chu Abraham chung in a tung ta ahi.

*Ch. 24. Eimau a ding inle, I Lalpau thina kipat thokit chu i gin leh,* ati chu Abraham in Pathian a ging ah, a ginna zia k a chun ama chu midik ah ngai ahita, ama chu mi zosia te ginna Pa ti'n a um ah, zia chu tulai gingtute zosia a ding ah etsakna ahi ati ahi. Abraham in Pathian a gin gual ua khan ei unle Lalpa Jesu thina apat thokit pa I gin uh leh Pathian in midik ah ei ngai intin, Abraham guala malsawmna tamtak dawng hitiu ati ahi.

#### **Tuni Zil dawte :-**

1. Pathian chu a thutiam ah ginum ahi dan..
2. Ginna dettak neite chu pathian in malsawm ahi dan..



### **Zillai - 14.**

**Thupi : Jentelte vangphatna dinga Pathian lemkuatna**

**Bible Simdi : Rom 11:1-24**

**Changvawp : Rom 11: 22.**

**Thumapui:** Tuni i zil ding uhi, Juda te chu Pathian chung a bawl khial leule, Pathian in paitha den ding ahilo dan a gen ah. Pathian amu khialnau chu Pathian melhiatlo Jentel te hukdamna kawt kihawmna ahizawk dan a gen hi. Ziaziakachun, Jentel ten le a vangphatnau lopitak chu mangkhial lou ah Pathian chu lau tak ah hawl zel ding ahi dan teu a gen ah. Pathian dawilo guala a kawsak uh chun, amau le Juda te guala gawt ah um ding ahi dan a gen hi.

#### **Tuni zilding thupi te :**

1. Israel te dawilona chu a tawp ahi puai (Ch. 1-12).
2. Jentel te Hukdamna (Ch. 13-24).

#### **1. Israel te dawilona chu a tawp ahi puai, (Ch. 1-12).**

Zia chang sung hin, Israel te Pathian chung a gilou maleu pathian in hepi zing ahidan a gen ah. Hepilou leh paitha den ding ahi chun amasapen ah ama le Juda Nam ahiziak ah paithak masak pen ah um ding ahi dan te leh paithak lou ding ahidan Elijah chanchin apat in a tekhin hi. Zia ban a chun, Juda ten khrista a mutheilo nau chu pathian lemkuat ahia, Jentel te vangphatna dinga Pathian guanggal ahi dan a gen ahi.

*Ch. 1-2. Pathian mite,* ati chu Pathian namtel Juda te atina ahia. Juda te chu thuthunglui ah Eden apat tuni tiang hin, Pathian namtel ahiu ah, Pathian mite leh pathian chate ti in a um sek uh ahi. Thuthunglui hun a chun Juda mi lou phawt chu Pathian melhiat lou nam ti'n a um ui. Juda te chu Pathian mitel ahi zia k un, Pathian in taksa leh thagau in a malzawl sek a, a gitlou phat unle, Pathian in a hepina zia k in a gawt kit sek hi.

*Ch. 4-5. Ba-al ma khiangkho lou Sang-sagi um ti leh Pathian mitel khenkhat um,* ti thu hi Pathian Jawlnei Elijah kha Israel Leng Ahab Zi Zezebel lau ah a zam ah, Pathian kianga a pauchapna, Lalpa kei bep ka um tai ati lai ah Pathian in a dawnhuna thu ahi. Ba-al ma khiangkho nailo Sang-sagi, Pathian in ka nei nalai hi ati gual in tuhin le, Juda te khenkhat Pathian in a sukhhial nau ah paitha maleh, a khekchak um nalai ahi ati ahi. Pathian in

Chanchinpha hi Pathian in a malzawl ahi ziakin, a kalsuan tute keng chu kilawm leh melpha a sak ban ah taksa leh thagau in a maljawl sek ahi. Ziakiachun, chanchinpha ziaka i kalsuan nate kha Pathian mitmu in a etlawm hi ti hezing in Lalpa a di'n i kimang zel ding uh ahi. Zia lampi chu taksa leh thagau ah maljawl na bul ahi ti hezing hitiu.

*Ch. 18. A thawm uh leichung zosia kithang,* atina chu Juda ten chanchinpha a mutheilo nau chu thugentu a mulou zia ahi em ti dawtna a dawnhuna thugentu umzing ahi dan a gen ahi. Chanchinpha a pawmna dingun thugentu a um zing ah, hiat le a hetau ah, a chanchin thawm uh chu khawvel muntin ah kithang ahi dan Sam 19:4 na ki gen lasawn in agen ahi. Thu kigente a kihiatlou sakua, a thil mu teu aki mulo sak jia ki ua jawm nuam lo ahiu a, Pathian ang a suanlam ting ding anei puau ati ahi.

*Ch.19-21 Nam gen kham lote thangsiatsak ati leh ama hawl lote kimusak,* ati hi jentel te chungchang agen na ahi. Chanchinpha chu Juda te kiang a gen himaleh a gitlo nau jiaka a pawm puau a, jia phat chun Pathian hiat phak lo Jentel ten a pawm jotau ahi. Chuti chun Pathian in taksa leh thagau in Jentel te chu maljawl nan a jang vuk pan ta. Zia chu Juda ten amu kit phat un a thangse tau ahi. Zia chungchang dikna ding a chun Paul in Mosia thugen, Deut.32:21 na leh Jawlnei Isai thugen, Isai 65:1-2 na Israel te thumatlo na jia a nam dang te vangphat na leh ama hawl lote aki musak thu a gen ahi.

#### **Tuni zil dawte:**

1. Pathian na I sepnna zosia eima hiatna mai hilou ah pathian hiatna zawka kalsuan ding ahi dan..
2. Chanchinpha kalsuanna chu pathian lunglam ahi hiatzing..
3. Israel te guala i gitlona ziaka i malzawl na dawn dingte chan thei ahi dan hiatzing..



## **Zillai - 8**

*Thupi : Pathian tawh Kilemma.*

*Bible Simdi : Rom 5:1-21.*

*Changvawp : Rom 5:19.*

**Thumapui:** Tuni i thuzil ding uh hi Paul in Jesu Khrista ginna ziaka Pathian ma thiamchang i hi danteu, gingtute chu anawp-leh-anawplona mun a le kipak ding i hi danteu, leh Adam leh khrista nasep kibatna leh kibatna lounate a gen ahi.

#### **Tuni zil ding thupite :**

1. Thiamchanna ga chu (Ch. 1-11)
2. Adam leh Khrista (Ch. 12-21).

#### **1. Thiamchanna ga chu (Ch. 1-11)**

*Ch.1, Pathian tawh kicham,* ti chu malai ah mihing te gitlona ziaka pathian tawh kimelma khawsate, tu ah Jesu Khrist nasepna ziaka pathian tawh kicham ta a genna ahi. Pathian lungnatna a chung ua umzing chu Jesu Khrist in gitlona a zaw tak ziakin mihing te leh pathian kimelmakna a sutawp ah, diktak in a kizawp tau ati ahi.

*Ch. 2. Zia lungsiatna i dindetnau leh pathian lopina kinepna,*

ati chuphatna nasep, mihing ten a phulo a chan uh genna ahi. Ginna ziaka thiamchanna chu hun chiasa khan i chang tau a, tulai tak hin lungsiatna hun in i ding ua, hun hungtung ding ah Pathian lopina chan kinemte ihi kit ua, zia taw bang thil lopitak dawng te ihi zia un kipak hitiu ati ahi. Jesu Khrist in pathian lopina mihing ten gitlona ziaka a matsua kha ahung nei sak kit ah. Ziakiachun, gingtute chun a hinkhuau in Pathian lopina chu khawvel ah a um sung ua hin a vawp zing un, a bukim na taktak chu vangam ah Khrist tawh a um khawm phat uh leh hi bep ding ahi.

*Ch. 3-4. Gimthawk nan kipak,* ati chu gingtu chu a nawpna mun bep ah kipak ding hilou in, gentheina mun ah le kipak tak ah khawsa dingte ahi dan uh a gen ahi. Zia tak ah gimthawkna ati hi mimal chung a taksa natnate, Lusun na ah gimthawkna lam ahi pua, Khrist min ah dodalna leh sukgentheina mun ah gingtute thawkna lam genna ahi. Zia guala gimthawkna chun thawkhatna, umchanphatna leh kinepna a pia, taksa leh thagau ah gingtute a siam piting dan a gen ahi.

*Ch. 5. I lungsung ua Pathian hepina,* ati chu mihing ten pathian hepina

hilo in, Pathian in mihing te a hepina a genna ahi. Pathian hepina a lungthim sunga ala hiat khaklo, tu hun ah a hetchian thak, gingtute sumualpho ngailo ah, umpi zing ahi ziaka thawkna mun ah le kipak tak ah um dingte ahi dan uh a gen ahi.

Ch.6. I hatlo lai uh khan, ati chu Jentel ten Pathian hephalo ah a khawsak laitak uh leh Juda ten Dan manga pathian a hawl ua, a mutheilo hun laitak ah Jesu Khrist khawvel ah ahung thu a genna ahi. Paul in mun dang dang in le Jesu khrist khawavel ah ahung hi, ahun taka hung ahi dan a gen hi (Gal. 4:4, IIKor. 6:2).

Ch.8-9. Khrista i sik ua a thi zia ah Pathian lungnat apat hukhin, ati chu khawvel migilo zosia thasang in Jesu khrist chu a hung thi ta, zia ama thina zia a chun Pathian in mihing te gitlona chu ngaidam in thiam a chansak ta, a gawtna tuak ding te chu ngaidam in a hukhin tak thu a gen ahi.

## 2. Adam leh Khrista, (Ch. 12-21).

Zia chang sung hin Adam leh Khrista nasep ziaka khawvel mihing te chung a thil tungte a gen ah. Khawvel ah mi masapen Adam gitlona zia kin thina'n mi zosia chung a vaihawm ah, ahinla Pathian chapa Jesu khrist in zia thina apat chun hinna ahung piak kit dan a gen hi.

Ch. 12. Mi pakhat gitlona ziaka thina'n mi zosia zen suak, ati chu Adam chu mihing zosia Pa ahia, ama gitlona ziaka Pathian in mihingte chung a thina a tunsak ta. Ama kha mi masapen ahi zia kin, a gitlona kha khawvel mihing zosia'n le i ki kawppi uh ahia, thina chun i chung un a vaihawm ta ahi.

Ch. 13. Dan um tianga gitlona umzing ahinla gitlona ngai hilo, ati chu Adam apat Mosia hun chan ah gitlona umzing maleh Dan thupiak bangma a um nailo zia kin gitlona chu thilphalo leh thil gilou ah ngai ahi puai ati ahi. A zia kin chu mihing te bawl ding leh bawlo ding Pathian thupiak bangma a um nai lo zia kin ahi.

Ch. 14. Adam chu a hung kit ding tawh tekak, ati chu Adam chu Jesu Khrist tawh tekek ahi dan a gen ahi. Zia umzia chu Adam chu mihing masa, mi zosia thasang ah gitlona ala puk ahia, zia gual a chun Jesu khrist chule, mihing nunung, mi zosia thasanga thi, gitlona apat mihing te puidawktu ahi kit hi. Zia zia kin chun, Adam leh Jesu khrist chun kibatna a nei zia kin un, Adam kha Jesu khrist tawh tekak ahi ati ahi.

Jesu Khrista ah a ginna'u a ngak nau chu, Pathian Dan zosia a zawp bukim nau ahi ban ah, khrista hung apat chu, Dan zosia chu suktawp ahi tai, ati ahi.

## 2. Mitin a dinga Hukdamna (Ch. 5-21).

Zia chang sung hin, Hukdamna chu mi zosia a dinga pathian lemkuat ahi dan te, Hukdam hina dinga Pathian ah ginna nei a pawimaw dan leh chanchinpha tuntu te thupi dan a gen ahi.

Ch. 5-8. Kua Van ah kaltou leh Mithi khua chia, ti leh thu lungchang ah naicha um, ti thu hi Thuthunglui lam ah, Deut. 30:11-14 na thu Paul in a gen sawn kit ahi. Zia chang sunga Paul in a gennawp chu Mosia Dan thupiak te, Israel ten haksa lou ah a zawpthei ding ua, naicha um zing ahia, zia gual ma chun khrista ah ginna nei ding ti thu chu le haksa lou ah a zawp thei ding ua naicha um ahi dan a gen ahi.

Ch. 9-13. Jesu chu Lalpa ahi ti puangdawk leh gingchate Hukdam, ti thu hi, tuni tiang ah khristian thugin laka thil pawimaw mama ahia. Paul in Jesu chu Lalpa ti a, puandaw ding ati na zia kin ahileh, zia hunlai ahin, Lalpa ti paukam chu Khawvel lalte kouna leh Pathian dangte kouna'n le mat ahia, zia zia kin chun Jesu chu Lalpa ahi tia, kou ngei ding ahi, ati ahi. Zia lou ah chun, zia hunlai ah Jesu a guk ah zui ah hukdam hi gawte a diklouna a genna le ahi. Lalpa Jesu chu Pathian sathau nu Lal leh Hukdamtu leh Mithi laka apat thokit ahi ti taksanna leh kam ngei ah ama chu Lalpen ahi ti puandaw leh ginchak chu Hukdamna ahi ti ahi.

Ch. 15. Chanchinpha tuntute Keng melpha, ati thu hi, Isai 52:7 na kigen Paul in khrista chanchinpha gentute a thupi dan leh a phatdan a genna a mat ahi. Chanchinpha hetma leh tunma khawsak dan leh chanchinpha tun nung ah khawsak dan kisan danglam dan zosia Paul in a ngaitua in chanchinpha a phatdan a gen ahi. Chanchinpha ziaka hinna phalo siamphat ah um ah khrista hinna gam ah lut tate, chanchinpha zia kin ah gam-leh-gua khantouna te, chanchinpha ziaka hepina leh chamna'n vai ahawm dan zosia te i ngaitua leh ahung pawlut tu (Missionary te) thupi dan leh ngaisa'n a um dan ngaitua dawthei ahi. Paul in a gennawp chu chanchinpha ziaka gawtmun chang dingte vangam lutthei ahitak zia kua a gentute a thupi dan a gen ahi.



**Zillai - 13.****Thupi : Israel ten Pathian a mukhial nau.****Bible Simdi : Rom 10:1-21.****Changvawp : Rom 10:15.**

**Thumapui** : Tuni i zil ding uhi, Paul in a chipi te amau dikna a kisuan ziakua Pathian a mu theilo nau a puaknat thu a gen ah. Hukdamna chu mi zosia huap ahi dante, ama ging ta phawt hukdam ahi ding dan te leh chanchinpha chu ahe zosia'n a ging ziang theilo dan uh a gen ahi.

**Tuni zil ding thupi te :**

1. Israel te gitlona (Ch. 1-4).
2. Mitin a ding ah Hukdamna, (Ch.15-21).

**1. Israel te gitlona (Ch. 1-4).**

Zia chang sung hin, a chipi te hukdam hi dinga a dawisakna thute, nasep phat ziaka Pathian a hawl ua, a mutheilo dan teu leh Khrista'n Dan sakhua a sukbei dan a genna ahi.

Ch. 1. Ka lungtup pen Hukdam ah a umna ding uh, ati chu Bung masa lam ah a gen gual in, khrista a mukhial nau ah, a mangthai ding uh a puaknat thu a gen ahia. A hithei sun chu, a hikhial nau ah Pathian ngaidamna a chan ua, Van khawpi a lut theina ding ua, Pathian kiang ah pauchap piak chu ahi mai hi. Paul in khrista a mu ni apat in, a chipi te hukdam ahi ding uh chu a dawisak mama hi. Tuni tiang hin, kua'n le khrista a muchian leh, ama sa pen in a Innsung mite hukdam ahi ding uh a dawisak a, a zaw leh a Innsak-A Innthang, A khua-leh-Veng leh a tawp leh mi zosia a huap sek hi. Paul in a suapi te hukdamna a chanlou khak ding uh lau ah, a veinat hi Kochuam ten ettawn chiat di'n a pha ahi.

Ch. 2. Pathian a dinga phatchuam ngai leh amau dikna Pathian hawl, ati chu Juda te kiang a Pathian in Dan a piakte ama tawh kizawpna hawi tak a nei na ding ua, lau tak ah a zui ding uh a genna ahi. Ahinla, Pathian lam ah phatchuam ngaitak ah a sep zing lai ua, a sep dan uh chu Pathian dawidan hi talou in amau dawidan ahi zaw ta, ziaziakachun a Pathian hawldan ua a bawl khial nau a gen ahi.

Ch. 4. Khrista chu Dan suktawpna, ati chu Hukdamna chan a nawp ziak ua, Mosia Dan leh Dan dangdang a zui teu chu a bukim zou pua.

Ch. 15-17. Pathian hepina thilthawn piak leh mi pakhat sukkhialna hung um tawh kibanglo, ti umzia chu Pathian thilthawn piak Jesu khrist ziaka thiamchanna chu khawvel mi zoisa sukkhialna ziaka hung um ahin, ahinla thiamlo chansakna vaihawmna (Pathianin Adam hansia a law ah, a vaihawm khumna) bou chu ama Adam ziak bep ah hung um pan ahin, a kibang puai ati ahi.

Ch. 18-19. Mi pakhat ziaka mi zosia gilo leh mi pakhat ziaka midik ah ngai, ati chu mihing lui palai Adam thu awilona ziaka mi zosia mi gitlo changa thina gam ah puilut ahi gual ua, khrista thu awina ziakin gitlona apat thiamchanna hung um in kumtuang hinna gam ah puilut ahi thu a gen ahi. Adam a chun mi zosia gilou in thina'n a vaihawm khum ah, khrista a chun mi zosia ahing kit in kumtuang hinna a nei tau ati ahi.

Ch. 21. Hepina 'n, Jesu khrist dikna 'n vaihawm, ati chu gitlona nasep tawpna kha thina ahia, ahinla hepina nasep chu mi gilote midik ah ngai ahia, a ga chu kumtuang hinna ahi. Zia hepina chu Jesu khrist in mi gitlo mangthai dingte a hepina kha ahi ati ahi.

**Tuni zildaw te :-**

1. Pathian tawh kichamna a pawimaw dan.
2. Gingtute nawpna leh haksatna mun a le kipak dingte i hi dan uh ei kawkm.



## Zillai - 9

*Thupi : Gitlona apat Zalenna.*

*Bible Simdi : Rom 6:1-23.*

**Changvawp : Rom 6:11.**

### Thumapui :

Tuni I zil ding uhi, Khrista thina kikawppi te ahi dungjui ua, a hinna kikawppi ahi dan uh chanchin ahia. Jesu khrista'n khawvel gitlona a thipi nung ah hin thak ah a thokit gual in amau hawle, a gitlonau ah ama tawh thikhawm in, gitlona apat thokit ah hinthak ah hing dingte ahi dan uh a gen hi. Zia ban a chun, malai ah a taksa bakteu phatlona suak a piak gual ua, tuhinle dikna suak ah pekit dinga a chialna thu te ahi.

### **Tuni zilding thupi te :**

1. Khrista tawh thikhawmna leh thokitna, (Ch, 1-14).
2. Dikna suak hina, (Ch. 15-23).

### **1. Khrista tawh thikhawmna leh thokitna, (Ch. 1-14).**

Zia chang sung ahin, gitlona haisan ta dinga Baptisma chang ta te ahi dungjui un, gitlona zosia nusia ah, thagau ah hinthak ah hing dingte ahi dan uh a genna ahi.

*Ch. 2-3. Ei uh gitlona thisan tate,* ati chu gitlo haisan dinga piting ah Baptisma a chan uh chu khrista a thipi nau ahia. Jesu khrista a thi, Than ah phum ahi gual khan amau le tui ah a gitlona teu a phum mang tau ah, Than apat a thokit gual khan amau le Tui apat pawt in gitlona nusia/thisan in, hinthak in a hing tau ati ahi.

*Ch. 6. Mihing lui ama tawh khetden,* ati chu Eden gitlona mi zosia chung a bekzing, pathian tawh kimelmakna taksa chu mihing lui ati ahia. Zia taksa chu Jesu Khrist tawh Kross a khan a khetden in a um ah, zia chun, mi zosia gitlona a thipi thu a gen ahi. Zia thu ma chu Paul in Galatia 2:20 na khrista kiang in khetden in ka um tai, ati kha, zia mihing lui kigen hi tawh ki bang ahi.

*Ch. 8. Khrista tawh I thi leh ama tawh hing ding,* ati chu Baptisma a chan nau chu khrista tawh a thikhawm nau ahia. A gitlona teu a sim tau ah, ziaziakchun ama zal in hinthak ah ahin tak zia un tu kipat kumtuang in ama kiana hingding ahiu ati ahi.

ten bangma a genthei puau ati ahi. Pathian chu mi zosia chung ah thunei leh vaihawm ahiziakin a dawilo guala umkhak ding chu a lau um dan ei zilti ahi.

*Ch. 25. Ka mi hikkhalote chu ka mite ti ding,* ati chu khrista tatna zala Pathian mi Juda te bep hilo, Pathian melhiat lou Jentel te Pathian melhiat leh a mite ahi tak dan uh zawlnei in a genlawkna a gen ahi. Ei uh Jentel Kochuam te khrista zala vangphatna i chanteu hi ngaitua in, pathian dawidan ah um hi i bat lianpen uh ahidan ei zilti ahi.

*Ch. 28-29. Lei chung gawt dingthu leh Sodom leh Gomorrah gual,* ati chu Pathian zangaina zia ah hing leh dam ahi dan uh a gen ahia. Amau le Bible ah Sodom leh Gomorrah mite guala Pathian mitmu ah gitlo bawl a gawtna chang tak ahiu ah, himaleh Pathian in a hepi ah suan-leh-pak a neisak nawp zia ah a gawtlo ahi ati ahi. Tulai gingtu te le i umdan dungjui ah pathian in vaihawm ding hitaleh, gawtna tuaklo ding umkhel puai tiu. Ahinla, a zangaina zal in malsawm na dawng zel thei leh hing-leh-dam ah khawsa thei ihi dan uh ngaitua thak a pawimaw dan ei zilti ahi.

### **3. Israel te Gitlona (Ch. 30-33).**

Zia chang sung hin Israel ten Dan ah dikna Pathian a hawlnau ah a mulou dan teu, Jentel ten ginna ziaka Pathian amu thu teu leh mi kuale ginna ah Pathian hawl ta phawt hukdam ahi ding dan a gen ahi.

*Ch. 32-33. Juda te kupalna Suanga kupal leh Zion ah kupalna Suang kikawi,* ti thu hi Isai 8:14 leh 28:16 na thu kigenkhawm ahi. A gennawp chu Juda te chu a hukdamtu ding ua Messiah hung maleh a mutheilo zia kua kupalna suanga kupal ah a gen ahi. Ahinla, ama khrista ging taphawt chu lei leh van ah mualpho lou ding ahidan a gen zawm kit hi. Tulai gingtute le khrista ah ginna nga zing ding leh ama dawidan ah khawsakna chu leigam ah malsawmna dawnna ahi ban ah thi nunga vanlam tianga kipakna ding ahi dan ei kawkm u ahi.

### **Tuni zildaw te :-**

1. Pathian chate hina taklatna chu a thupiak zawp leh zui ahi dan.
2. Pathian chu mihing te chung a thunei leh vaihawmtu ahi dan..
3. Pathian zangaina zala hing leh dam i hi dan uh..





(iii). Thuthung leh Dan thupiakte, ati chu Thuthunglui hun Eden apat Thuthungthak tianga Pathian in Israel te tawh Thuthung a siamte leh Dan thupiak a zui dingua a piakte a gen ahi.

(iv). Pathian nasepna te leh thutiam changte, ati chu Pathian houna Temple leh mimal kikhawina nasep te a gen ahia. Chuleh, Israel te laka mi masa Novah, Abraham leh midang te Jesu hung tianga Pathian in a tep dungjui ah vangphatna dawng te ahiziak ua chu thutiam changte ati ahi.

(v). Pu-leh-Pate apat khrista hung pawt, ati chu Isreal suantu bul masa Abraham, Isak, Jakob te apat khawvel hukdam tu ding Messiah hung pianna ahiu chu Nam vangpha leh chungnung ahi dan uh a gen ahi.

(vi). Khrista chu kumtuang ah paktak Pathian, ati chu ama chu thil zosia vaihawmtu leh thuneipen ahia, ama bep chawihawi ding ahi. Khrista chu mutheilo Pathian melpu siam, thilsiam lak ah piang masapen ahi dan a gen ahi (Kol. 1:15).

Ch. 6. Israel suante zosia Israel mi hilou, ati chu Abraham apat pawt te zosia chu Israel mi ahi puau ah, Abraham guala pathian ah ginna neite zawk chu Israel mi diktak ahi zawu ati ahi.

Ch. 13. Jakob ka hepi ah, Esau ka hua ahi, ati thu hi thuthunglui ah Malaki 1:2-3 ah kigen Paul in a gensawn kit ahi. Malaki zek ahin Esau chu a muda zia a um diak lou zia kin Esau sangin Jakob chu ka daw in, ka hepi zawi atina mai ahi. Paul in a gennawp ahileh, Pathian in mi a telphat leh taksa mihing pianphung ah a upa zawk khelkhel atel diakpua'n, a lung a tun nak ahileh, a naupang pen le tel ziang sek ahi dan a gen ahi.

Ch. 18. Zangaina dinga zangai leh a nawp nawple a lung uh hitak, ati chu Pathian chu bangkim hithei ahi ban ah a thilbawl leh a vaihawmna zosia kuama dawng ngailo ahia. Heki ding ati chu hepi leh gawt ding ati chu gawtzang sek, mihing chung ah thuneitu ahi dan a gen ahi.

## **2. Pathian lungnatna leh zangaina (Ch. 19-29).**

Zia chang sung hin, mihing te chu a siam tu Pathian chung ah phun nawi thei ahilou dan uh a gen ah. Chuleh, khrista ziaka Nam hiatphak lou te Pathian melhiat ahidan teu leh Israel ten Pathian a hawl dan uh a diklo dan a gen ahi.

Ch. 21. Belsek pan Bellei chung ah thunei, ati tekhinna chu Pathian chu Belsekpa ahin, a Belsek chu mihing te ahiu. Chutichu ahiziakin Pathian chun mihing te chung in thu a nei ah, a nawp nawp a lawthei in, ahinla mihing

Ch. 11. Gitlona lam ah a thisa'n kingai ding leh Pathian lam ah hing ah kingai, ati chu taksa gitlona zosia nusia ahi tak zia kua ua ahinnau ah gitlona'n vaihawm talou ding ahia. Gitlona chuam chuam lunggul thei tamtak mukit leu le, a hinkhaw lui uh nusia ahi tak zia kua, tawi thei talou ding ahi. Pathian lam ah hinkhaw thak ah hing ta'n kingai in piting hinkhua ah khawsa zaw ta un ati ahi.

Ch. 14. Gitlona chun la chungua thunei talou ding, ati chu a hinkhua lui ua gitlona chun a thunei khum ah, lengkhat in a mipite a thunuai ah a kawi guala gitlona'n a thunuai ah a kawi dan a gen ahi. Ahinla, khrista zala gitlona chungua thunei ta leh gitlona zosia thatmit ahi tak zia kua ua Setan in vaihawm khum thei talou ding ahi dan a gen ahi. pathian chate zosia hi nisin ah gitlona gal tawh kidou zing i hui ah, zia thepna te chu Pathian hatna zo zel ding te i hi dan uh ei kawkmua ahi.

Ch. 14. Dan nuai ah umlo, hepina nuai ah umzaw, ati chu khrista zala mihing te'n zalenna a chan uh a genna ahi. Khrista hung ma khan Dan nuai ah etkawl leh puihuai ahiu ah. Ahinla, khrista hung apat in hepina Dan in puihuai ahi tau ahi. Ziakiachun, Dan nuai ah um gual a bawl tei tei dinga thupiak hita lou in, amau nawpna ngei ah hepina Dan ah Pathian dawigual bawl ding ahi dan uh a gen ahi.

## **2. Dikna suak hina, (Ch. 15-23).**

Zia chang sung hin khrista tatna ziaka gitlona suak apat pawt ahi tak zia kua, ama tawh pumkhat ahi tau ah, chutichun Pathian suak te ahi tau hi. Ziakiachun, Pathian dawidan ah khawsa ding ahidan teu leh zia Pathian dana zuinau chu kumtuang hinna a channa ding uh lampi ahidan a genna ahi.

Ch. 17-19. Gitlona suak leh Dikna suak, ati chu Dan nuai ah a khawsak lai u kha, gitlona suak ah a um lai uh hin a gen ah, Gitlona zosia nusia ah hinthak ah hing ah Pathian dawidan ah a khawsak hun uh chu dikna suak ah umta ah a gen ahi. Mi pakhat chu zia a chung ah kigen pani te khat zawk zawk suak ahin a um ngei ding ahi. Mi pakhat in hotu pani na a sem thei puai ti ahi ziakin gitlona suak ah i umlou chun dikna suak ah um i hi ding ahi. Ahinla, Paul in dikna suak a um lahi tau ah, malai ah la taksa bakteu phatlona suak a la piak gual ua khan tunle la taksa bak teu chu dikna suaka pekit un ati ahi

Ch. 20-22. Gitlona tawpna thina leh sukthianthona tawpna kumtuang hinna, ati chu malai in gitlona thatzaw ah um in, a nawp dandan in a khawsau ah, zia a thil bawl teu chu amau inle a ngaitua kit ua leh zachat na'n a dim tau hi. Zia a gitlona teu tawpna kha taksa leh thagau ah thina ahi. Ahinla, tu ah Pathian dawidan zui ah hinthak ah hinga, thagau ah sukthianthona a chan uh tawpna chu kumtuang hinna hi. Zia chu ahungtung nailo, a mabak ua thil kipak um tak, a chan ding ua Pathian in a chate a ding ah a guat piak ahidan a gen ahi.

Ch. 23. Gitlo man thina leh Pathian thilthawn piak kumtuang hinna, ati chu gitlona tawpna chu taksa leh thagau thina ahin, pathian dawidan zuina chu vang taksa leh thagau hinna ahi. Gitlona chu mihing gual ah um ah hotu khat in suak a gawi gual in a gen ah. Zia hotupa chun, a suak pa chu gitlona a bawl sak ah, kum tamtak a bawl nung in, a sep man piak phat a tung ta, a hotupa'n a lawman a piak chu, bang dang hilou in, Thina ahi. Zia thina chu taksa leh thagau ah kumtuang thina Setan in a chate a piak chu ahi.

Ahinla, langkhat lam in Pathian inle suak a nei kit ah, aman le kumtam tak ana a sepsakpa lawman piak phat a tungta, aman a piak ahileh chu taksa leh thagau ah kumtuang hinna chuai theilo ahi. Zia hinna thak, gamthak hinkhua chu Jesu khrista khawvel ah ahung apat in a kipan ah, kumtuang tianga tawp ni nei talou ahi. Zia changte chu khawvel ah thilman pha leh gou phapen changte ahiu. Ziakiachun, Pathian in a mihing siam zosia chu zia lawman chu mu ding ah a dawisak te ahi dan Paul in a gen ahi.

**Tuni zil dawte :-**

- i) Khrista pianthakna neitetute hinthak ah hinga gitlona nusia ta ahi dan teu..
- ii). Gitlona i bawl leh kumtuang thina chang ding, Pathian daw i gual i bawl leh kumtuang hinna chang ding i hi dan teu.



**Zillai - 12.**

*Thupi : Chanchinpha leh Israel te.*

*Bible Simdi : Rom 9:1-33.*

**Changvawp : Rom 9:33.**

Thumapui : Tuni i zil ding uhi, Israel te vangphatna leh Khrista a nawlna ziakua, a vangsiatna teu, Pathian chun a thil hi zosia ah kuama dawnglo ahi dan te, Paul in a chipi te thagau ah a veinatna thu te leh Pathian in a zangaina a mite a puihuai dan te a genna ahi.

**Tuni zil ding thupi te :**

- 1. Pathian in Israel te a tellawkna (Ch. 1-18).
- 2. Pathian lungnatna leh zangaina (Ch. 19-29).
- 3. Israel te gitlona (Ch. 30-33).

**1. Pathian in Israel te a tellawkna (Ch. 1-8).**

Zia chang sung hin a chipi Juda ten Hukdamna a chan chiat ding uh a dawisakna thu a gen ah. Zia ban ah chun, amau chu Api-leh-Pu apat Pathian melhiat ahiziak ua a vangphat dan uh a gen ah. Taksa Pathian in Chi suantu dinga a guat te chu mihing etdan tawh a kibat lou dan a gen ban ah, Pathian in a hepina ziaka bangkim a lemguat ahi dan a gen ahi.

Ch. 3. Khrista apat khenthak leh hansia pawzaw le'ng, atina ziak ahileh a Chipi Juda ten amau a ding ah hung Jesu khrist a muthiam lou ziak ua a puaknatna thu a genna ahia. A Juda chanpi ten khrista chanchinpha a hiattthiam theilo uh chu a lunggil in a pawna mama in, a chipite hukdamna channa ding ahi phawt leh ama zawk chu khrista tawh kikhen leh hanse law tiang a huam na thu a gen ahi.

**Ch. 4-5. Israel te vangphatna a gen te.**

*(i). Cha hina changte*, ati chu malai apat Isreal te chu Pathian cha ti ah um ahiziakua ahi. Pathian in Pharoah kiang inle Israel te chu ka chapu upapen ati ahi (Ex. 4:22).

*(ii). Lopina changte*, ati chu pathian umpina kilakna leh thilmak chuam chuam thuthunglui apat nam dangin a dawnlou dawng tute ahi ziak ua ahi.

**3. Khrista Jesu ah Pathian Hepina (Ch. 31-39),**

Zia chang sung hin pathian in a chate a hepina a letdante, Pathian chu bangkim ah malsawmtu ahi dante leh ama Paul chu khrista hepina apat chun bangma chan khenzoulo ding ahi dan a genna ahi.

*Ch. 34. Khrista chu Thiamchansaktu leh Pa kianga dawtpiaktu,* ati chu gingtute chu Pathian lungnatna tuak dingte himaleu khrista thina ziaka thiam chansak a um ah, Pathian lungnatna a pumpel uh a genna ahi. Tuhin Van ah Pathian khut changlam ah um in, ei uh migilo te a dinga nisin ah Pa kinga ei dawtpiak zing hi ati ahi.

*Ch. 35. Nangma ziakin nitum in tha ah um,* ati thu hi thuthunglui lam ah Sam 44:22 na thu a gensawn ahi. Paul in a gennawp chu khrista hepina apat chu bang ma'n khenzolou ding ahi ta, gentheina tawpkhawk ah thina tiang huam ah pang ding ahitak ziak ah, nisin ah thithei dinmun ah um ahi dan a gen ahi.

*Ch. 37. Galzoute sanga chungnungzaw,* ati chu kidouna gal douten a melma teu, a zawna sang ua ama toh khrista kizawpna chu a detzaw leh thukzaw ahi dan a gen ahi. Gingtute chu nisin ah haksatna tamtak lak ah khawsa zing ahiu ah, gentheina te sualna lam ah kikailutsak lou a, Pathian lam ah ginna suk hatna manga kipak tak ah hinkhua mangte chu gal zoutu chikhat ahi dan a gen ahi.

**Tuni zildaw te :-**

1. Taksa nawpna phalo pitin nawpna ngaitua nate thagau ah tha zing ding ahi dan..
2. Khrista min ziaka gingtute gentheina thawk ngam ding ahi dan.
3. Paul guala khrista hepina apat bangma kikhensak lou ding i hi dan uh..



**Zillai - 10.**

*Thupi : Dan apat Zalenna*

*Bible Simdi : Rom 7:1-25*

**Changvawp : Rom 7:4.**

**Thumapui :** Tuni i zil ding uh hi taksa dan apat pawt ta, thagau dan ah khawsa ahi tak ziakua dan in a chung ua thunei talou ahi dan Numei leh Pawsal kichenna thu tawh a tekhinna thu ahi. Zia ban a chun, Dan um ma khan a thil hi zosia ah thiam chang himaleh Dan umphat ah a thil hiteu ah thiam channa ding leh chanlona ding tamtak um ta ahi dan te leh Pathian dawidan leh taksa dawidan kibatlou nate a genna ahi.

**Tuni zilding thupi te :**

1. Kichenna kipat etsakna, (Ch. 1-6)
2. Dan leh gitlona, (Ch. 7-13)
3. Mihing sunglam ah kituaklona, (Ch. 14-25).

**1. Kichenna kipat etsakna, (Ch. 1-6)**

Zia chang sung hin Numei leh Pawsal kikal thu a gen hi. Numei chu a pawsal damsung a chun a pawsal neina dan in a kan ah, ahinla a Pawsal thi nung ah Pawsal dang a nei leh thiamlo channa ding umlou ahi dan a gen hi. Zia gual a chun, amau leh Dan apat zalenna neita ah pathian thagau ah kalsuan ta ahi dan uh a genna ahi.

*Ch. 2-3. Numei te Pawsal nei na dan ah kan leh Pawsal thi nung a Pawsal dang a nei leh Angkawm hilo,* ti umzia chu Numei te chu a Pawsal neisung ua chun, midang nei chu dan in a phallo ahia, a nei uh chun, dan bawtsia a hi ban ua, Angkawm ahi tau hi. Ahinla, a Pawsal thi nung ah midang Pawsal a nei chun, a Pawsal masa kha thita ahi ziakin, Angkawm ti thei hitalou in, Dan a chun thiam a chang ta ahi. Amau le zia gual a chu Dan apat zalen ahi thu a gen nawpna a gen ahi.

*Ch. 4. Thina apat thokit kichenpi,* ati chu Kochuam te hi Bible in Numei tawh tekkin sek ahiu ah. Paul inle zia paukam ma chu mangin Jesu khrist tawh Kochuam mimal pianthakna nei te thagau ah kizawpna chu kichenna in a gen ahi. Zia kichenna chu zia khawvel hin a bukim nai pua'n, nitawp ni leh vang kumtuang kumtuang ah kikhen kit talou ding ah kicheng ah ama tawh umkhawm ta ding ahiu, ati ahi.

Ch. 4-5. Khrista taksa ah Dan thi san ta, pathian leh thina ding lam ah chisuantu, ati chu Dan thupiak te kha a thi ahita, Khrist in zalen sak in a chi suantu hi dinga a kichenpi tak ziakin Dan apat chun a zalen tau ahi. Chutichun, Chanchinpha henailo te kianga a gentu leh a kawkm tu(Chisuantu) hi ding ahi dan uh a gen hi. Malai a khan chu gitlona lampi zui ah, mi tamtak te taksa leh thagau thina mun lampi kawkm tu leh puihuaitu (Thina ding lam ah chisuantu) hi dinga la taksa bakteu la mang ui ati ahi.

Ch. 6. Thagau ah hinthak, ati chu taksa gitlona zosia nusia ta, Jesu khrist in a taksa leh a thagau a sukthian tak, khawvel gitlona ten a chup phak taklo, hinna thak, Pathian in a chate kianga a piak a genna ahi. Zia thagau puihuaina dungjui a chun, kalsuan zel dingte ahiu ati ahi.

Ch. 1-6. Sung tekhnin thu mithiam te hilchian dan tangpi :

1. Numei ati hi eimau Kochuam te etsak ahi..
2. Pawsal ati kha mihinglui, pianthak ma i hinnau a etsak ah, chuleh Pawsal chun Dan le a etsak thei hi.
3. Pawsalte thi ma ati kha Dan nuaiah umlai khale ahithe hi.
4. Pawsal thina ati hin, khrista kianga mihinglui khetden a etsak thei ban ah Dan neina le a etsak thei kit hi.
5. Midang kichenpi kit ati hin, pianthak ah Jesu khrist tawh kizawpna a etsak thei ah, Dan apat ei zalen sak in ama kiang in ei pui ah, ziaziakchun, ama bep tukzing ding ahi.

## **2. Dan leh Gitlona, (Ch. 7-13).**

Zia chang sung hin Dan a pawimaw dan te, Dan gensetu, dawilotu leh paimang nuam tute diklonate a gen ban ah Dan chu gitlona hilo ah, gilote hiatna ding ah um ahi ziaka a phat dan te ama hinkhua a tuakna apat a genna ahi. Zia chang sung ah a thugen te hi a pianthak ma a hin dan a gen ahi ti hiatzing ding ahi.

Ch. 8. Dan panglo ah gitlona a thi, ati chu Dan um ma, gitlona bawlte chu thiamlo chansakna Dan thupiak um nailo ahi ziaka a gitlonau chu a thi, gitlo ah sim theilo ahi ati ahi.

Ch. 9. Dan in gitlona a chawktho ati leh keima ka thi, ati chu Dan hiatma khan gitlona chu thupiak a umlo ziakin gitlo in a lang pua. Ahinla, Dan thupiak um phat in gitlo bawl chu chawktho (Thiamlona sulangtu) a hung hitak ziakin, keima chu Dan mai a chun ka thi tai (Ka gitlona matdaw

sukgentheina chuam chuam a um zing ah, zia lou a chun, Paul inle ama mimal takah a thawknate, Korinth lekhathawt in ala gen hi. (IIKor. 11:24-27). Ahinla, bang gual in thuak maleh malam ah lopina a chan dingte a ngaitua leh a thawknate chu a ngainep dan a gen ahi.

Ch. 19-25. Thilsiam zosia'n Pathian chate kilatna ni ding Nauvei guala ngakla, ati chu Jesu'n a mithiangtho te alakkhawm ni ding chu thilsiam te'n le a ngakla thu a gen ahi. Eden ah gitlona ziak akhan, pathian in mihing leh khawvel ah thilsiam zosia hansia a lawkhum ah, thuthungthak ah chanchinpha inle mihing leh thilsiam zosia siamphatna thu a gen hi (Marka 16:15). Ziaziakachun, nitawp ni ah tatna lopitak hung tung ding chu thilsiam tenle ngakla in amau thu lou gual gual in a um tau ah, zia gual ma chun gingtute le taksa tatna ni ding chu ngakla in a um thou ui ati ahi. A ngakla dan uh a tekhnin na'n Numei nauvei gualin a gen ah, Numei tele Nau anei ding phat uh leh, gentheina thuak in a um ua, ahinla Nau a neizaw phat uh leh kipakna dim in a genthei na'u a hemil tau. Zia gualachun, gingtute le tuhin, khawvel ahin genthei tak in um maleu hinle, khrista hung ni phat leh zalenna chang ding i hi tak ziak ua i kipak nau bukim ding ahi tai, kinem takin ngakzing hitu ati ahi.

Ch. 28. Pathian in a kou leh a hepate phatna dinga bangkim bawlpiak, ati chu pathian in a chate a hepina ziakin a chapa Jesu khawvel ah ahung sawl ah, ama zal in khawvel miten hukdamna amu tau ah. Zia lou a chun, zia hunlai ah gingtute thawkna chuam chuam (Ch. 18na agen) te kha amau thagau lam hinkhua'u a kisiam phatna ding ua Pathian lemkuat zawk ahi dan a gen ahi. Tulai gingtute le, i hinkhua i thiltuak te hi hawitak cha ngaitua lehin, Pathian in eima phatna dinga bangkim bawl ahi dan hedawk chiat ngei hitiu. Bible a Job khale a thawkna apat malsawmna a dawn kha ei uh gingtute a di'n ettawn tak a ting ahi.

Ch. 30. Pathian in a guatlawk te thiam chansak leh chawihawi, ati chu mihing ten Jesu khrist a hiatma masang pek un Pathian in leichung a siam masang a a cha hi ding in amau chu a guatlawksa ahi dan uh a gen ahi (Eph. 1:4-5, IKor. 2:7). A chate chu Jesu thisan zal in a gitlona'u ah thiam a chansak ah, Pathian thagau zalin khawvel mite sanga chungnung zawn chawihawina bukim chu chang ding ahi dan uh a gen ahi.

Ch. 8. Taksa um ten Pathian kipaksak theilo, ati chu pathian dawidan leh taksa dawidan chu kikalsek ahiziak ah, taksa dawidan ah khosate'n Pathian kipaksak theilo ahidan a gen ahi. Pathian in a chate chu ama dawidan ah khawsa ah thagau ah kalsuan dinga a dawi ahi. Ch. 9. Kuale khrist thagau neilo chu ama mi hilou, ati chu ama mite chun ama thagau chu a chang ding uh ahi ati ahi. Ama thagau changte chun ama Aw hia'n, ama tawh kizawp zing intin uh, amau chu nitawp nileh Lalpa Jesu'n ahun puikhawm dingte chu ahiu. Ama thagau changlo te chu ama mi ahi puau ati ahi.

Ch. 13. Taksa thilbawl thagau ah tha, ti chu taksa nawpna phalote pitin dinga themtu chuam chuam te thagau ah dou ah pitin lou ding a genna ahi. Ngaituana phalote pitin lo ah mi a chiazal chun, Pathian tawh a kizawpna chu hawi deu deu in a chungin Pathian kipakna chu a um zing ahi.

Ch. 15. Suak hina thangau hilo in cha hina thagau chang, ati chu Suak te thagau chun, a pu teu lungtuak lou khak ding chu lauzing ahiu a, nang uh chu cha la hi ziak ua, zia gual chu la hi puau ati ahi. Suak hina thagau chang hileuchin, Pathian chu 'Hepa' ti thei lou ding la hiu ah, Cha hina thagau (Jesu khrist thagau) chang lahi ziakua, Pathian chu 'Hepa' (ABBA) tia, kouthei in Pathian inkuan ah laklut la hitau ati ahi (Gal. 4:6).

Ch. 17. Khrist tawh goulua khawmding i hiu, ati chu gingtute chu cha hina thagau chang ahitak ziakua, khrista tawh van mun ah umkhawm dingte ahi dan uh a gen ahi. Mihing lam a chun gingtute chu khrista tawh tekhin gual hilo maleh Pathian cha gel gel ahitak ziakua kibatna nei in Van ah Pathian gou lua khawm dingte ahiu ati ahi.

Ch. 17. Ama thawkna thawkpi, ati chu Jesu khrist chu khawvel mite gitlona zia kin, gentheina tawpkhaw kross chung ah a thawk gualin ei uh le, ama gam keklet na di'n genthei nate thuak hitiu ati ahi.

## **2. Lopina ding chu (Ch. 18-30)**

Zia chang sung hin Paul in Jesu khrista a mithiangtho te pui ah ahung kit ni ding chu khawvel ah thilsiam te leh gingtu te'n ngakla tak ah a um dan uh a genna ahi.

Ch. 18. Tulai thawkna te, ati chu zia hun lai a khrista min zia ka gentheina chuam chuam a thawk teu a genna ahi. Nasepte zik inle, gingtute -

ah um in thiamlo ei chan tai) atina ahi.

Ch. 10. Hinna dinga thupiak chu thina hizaw, ati chu Dan bangma helo ah gitlona bawl ah nawptak ah a khawsak laitak ah, Hinna dinga Dan thupiak hung um in, ama chu thiamlo a hung chan ah, a thilbawl te a sukmit leh a thana chu ama thina ahi dan a gen ahi. Dan thupiak Pathian apat pawt (Mosia Dan leh a dang dang) te phatak ah zuina chu taksa leh thagau ah hinna tuntu leh kaihuaitu ahi ati ahi.

Ch. 11. Dan in gitlona mangin ei them, ati chu hilo ding Dan thupiak a um leh hi nawpna lungthim mihing ah gitlona'n ei neisak ziang ngal ah, **Hi in, Hi kin** ti chu mihing lung sungin a kidel thu a gen ahi. Ahinla, zia thupiak i thilung ah i hiatnau apat chun Pathian Dan thupiak zawk chu zui ding i hi dan uh a genna ahi.

Ch. 12. Dan chu a thiangtho ah, thupiak chu a dik ah, a pha, ati chu mihing te zui dinga Dan kibawl te hi Pathian thianthona dim apat pawt, khawvel thilbuak tawh kimatna neilo ahi zia ka a gen ahi. Thupiak chu a dik leh a pha, ati chu mihing in Pathian thupiak te hawitak ah a zui chun, Pathian tawh kilemnate leh kihepinate tuntu ahi sek dan a gen ahi.

## **3. Mihing suklam ah kituaklona, (Ch. 14-25)**

Zia chang sung hin Khristian hinkhua ah taksa leh thagau kidou zing ahi dan a gen a. Mihing ahin gitlona dan Pathian dan tawh kikal a um ah, zia chu nisin in kidouna phual a melma pani kidou gual in mihing sung in a kidou zing a. Ama le Pathian suak ahi dungjui ah thilpha bawl chu a tup pen ahia, ahinla a bawl zolou chang a um sek hi. A lungthim chu Pathian kiangan a um ah, ahinla a taksa chu phatlona thatzaw in a um sek hi. A lekthawt sunga a taksa leh thagau kidouna, zia chang khel ah a genlatna a um lou ahi. A thugen te hi a hinkhua a tawsa leh a zawsa himaleh tu hun ah zia dinmun ah dingte leh ahung um dingte kianga a genna ahi. A thuzik te hi hawitak ah i et chun, a piangthak ma gitlona tawh a kidouna (Ch. 7-13) sang in a piangthak nunga gitlona tawh a kidouna (Ch. 14-25) chu thupi zaw in mu ahi.

Ch. 16. Dan chu apha'i ti'a pawmpi, ati chu gitlona hi a hinawp tak hilechu, Dan umle poimaw salo ding ahia. Ahinla, nuam salou pumpum ah gitlo bawl kha sek a dan bawtsia ahi zia kin, Dan um a phat zia chu a hiat tak zia kin in a phasak thu a gen ahi.

Ch. 17. Ka thil bawl hi keima kahi puai, ati chu ama hinna gitlona um chun gitlo a bawl hi'n a gen ah. A gennawp chu ama nawp ziaak le hilou ah, a hatlo ziaaka thil a bawl khialna a chun amaw chu aman a puaklo thu a gen ah. A bawl nawp thilpha kha bawl hileh chu keima kahi ti ding ahia, ahinla a nawplo lam bawl ahi ziaaka keima tilou in keima ah gitlona'n a bawl ahi ati ahi.

Ch. 23. Gitlona Dan ah umte kiangin Suak in ei puisek, ati chu gitlona'n a hinna a thatzaw thu a genna ahia. Mi khat in Suak a nei ah, a Suak chung ah a nawp dan dan ah a vaihawm khum thei gual in, amale gitlona'n a thuzaw ah, a nawp dan dan ah sawisa, tawitheilo ah a kawithu a genna ahi.

Ch.24. Aw migenthei ka hina lawmlawm e, atina chu phat nuam ngal ah gitlona ziaaka a phattheilona, a lungkhamna kikou thawm ahi. Genthei a kisakna pen chu ama-leh-ama a kihukdaw zawlo ziaaka panpitu ding mi a hawl na ziang chu ahi.

Ch. 25. Jesu Khrist zala pathian kianga kipak thugen, atina ziaak chu pathian thagau in a lungkham na ah hiatchian sakna a neisak ziaaka, Pathian a pakna thu ahia. A gentheina apat hukdawktu chu kuama dang hilo in Jesu khrist ngei ahia. Taksa nasep zosia kha Jesu'n Kross ah a zawsa ahi dan a mudawk ta. Lalpa Jesu chun, a taksa chung a zawna chang in phatlonate a zaw tak ziaakin khrist zala pathian kianga kipakthu a gen ahi.

#### **Tuni zildaw te :-**

1. Gingtute thagau puihuai ah kalsuan ding i hi dan teu..
2. Gingtute nisan ah phatna leh phatlona i hinkhua ah kidel zing, Pathian hatna phatlona zou ding i hi dan teu..



### **Zillai - 11**

**Thupi : Thina apat Zalenna**

**Bible Simdi : Rom 8:1-39**

**Changvawp : Rom 8:11.**

**Thumapui:** Tuni i zil ding uhi, Rom Kochuam te chu khrist zala hinna thak neite ahi dan uh a gen ah. Taksa dawidan leh thagau dawidan chu a kibang pua'n, taksa dawidan ah khawsakna chu Pathian tawh kimelmakna ahia. Ahinla, amau haw chu pathian dawidan zuite ahiziakun, Pathian kianga kichawl dingte ahia. Chutichu ahiziaakin, gingtu hina dawl ah, haksatna chuam chuam um maleh nitawp ni ah Pathian ang a lopina gingtute chan ding tawh tekak in, thawkna te chu bang malou ahi dan te gen in, malam ah hatzaw diak ah sem dinga a chialna thu te ahi.

#### **Tuni zilding thupi te :-**

- i) Thagau ah hindan, (Ch. 1-17)
- ii) Lopina ding chu, (Ch. 18-30)
- iii) Khrista Jesu ah Pathian hepina, (Ch. 31-39).

#### **i) Thagau ah hindan, (ch. 1-7).**

Zia chang sung hin Jesu khrist ah umte chu Dan leh thina apat zalena ta ahi dan uh a gen ah. Khrista thagau amau ah um chun Pathian a hepi sak ban ah gitlona te a huatsak ah. Zia thagau ma chun hinna a pia'n, zia chu nitawpni ah thokitni tak leh a bukimna tak tak chang ding te a hi dan uh a gen ahi.

Ch. 2. Gitlona leh Thina Dan apat pawt, ati chu Pathian thagau thiangtho a chan tak ziaakua gitlona apat zalenta ahia. Zia thagau chun a taksa leh a thagau uh chu kumtuang thina apat hukdawk in kumtuang hinna a chansak thu a gen ahi.

Ch. 4. Pathian in a chapa gitlona melpu a siam, ati chu pathian in a chapa Jesu khrist, gitlona neilo chu khawvel mite gitlo tan dinga ahung sawl thu a genna ahia. Jesu mithiangtho, gitlona neilopa chung a chun khawvel gitlona zosia chu ngak ah um in, migilo guala siam ina um hi ati ahi.

Ch. 6. Thagau lam thil lunggulna - hinna leh lungmuanna, ati chu thagau dawidan ah kalsuanna chu tu damsung a ding leh thi nung tiang ah hinna ahi ban ah bangkim ah kipakna leh lungmuanna bukim ahi ati ahi. Mi kuale Pathian ah a um chun a hinkhua a chun chantawh ah lungawina leh kipakna a nei dan a gen ahi.